

Superinfo

23.6.2017. / broj 182



SPRIJEĆENA DALJA
DEVASTACIJA U DUČAMA



STOTINU NOVIH
POLICAJACA U MUP ZDK



AJLA ŠKRBIĆ JE DOBILA
STIPENDIJU UN-A



TUKA NAJBOLJI ATLETIČAR
BIH U 2016.

KONCESIJE NA VODAMA



Vlada ZDK je na prijedlog Ministarstva za poljoprivredu, šumarstvo i vodoprivredu na 97. sjednici usvojila Informaciju o koncesijama na vodama za 2016. godinu, a koja je dalje upućena u skupštinsku proceduru. Informacija sadrži podatke o dodijeljenim koncesijama za eksploataciju mineralne/prirodne vode radi flaširanja, eksploataciju termo-mineralne vode i koncesijama za izgradnju mali hidroelektrana (MHE) na području ZDK. Od donošenja Zakona o koncesijama ZDK, aktivnosti na dodjeli koncesija vođene su uglavnom na osnovu samoinicijativnih ponuda/zahtjeva, a odnosila su se na dodjelu koncesija za eksploataciju mineralne/prirodne vode radi flaširanja i izgradnju hidroelektrana za proizvodnju električne energije za postrojenja locirana na površinskim vodama II. kategorije, snage do 5 MW iz nadležnosti Kantona. Na prijedlog Ministarstva za poljoprivredu, šumarsvo i vodoprivredu, Vlada ZDK je u 2016. godini dodijelila je koncesiju za izgradnju male hidroelektrane Tribija na rijeci Tribija, općina Vareš. U 2016. godini ukupno je bilo sedam samoinicijativnih zahtjeva, od kojih je za četiri pokrenut postupak, i to izgradnja MHE Kakanj na rijeci Bosna, MHE na rijeci Stavnji općina Vareš, MHE na rijeci Fojnica, općina Visoko, korištenje prirodne izvorske vode radi flaširanja sa izvorista „Radakovica“, općina Vareš, a tri su odbačena kao nepotpuna. Po osnovu koncesionih naknada u 2016. godini uplaćeno je ukupno 267.534,98 KM.



SKUPŠTINA ZDK

Skupština Zeničko-dobojskog kantona na posljednjoj sjednici je donijela Odluku o izmjeni Odluke o imenovanju Nezavisnog odbora za izbor i reviziju. Razlog za ovu Odluku proizilazi iz potrebe popune upražnjene pozicije jednog člana Nezavisnog odbora za izbor i reviziju, predstavnika Ministarstva unutrašnjih poslova. Skupština je razmatrala i prihvatile Izvještaj o radu Univerziteta u Zenici u 2015. godini sa Izvještajem o poslovanju Univerziteta u Zenici za 2015. godinu. U nastavku rada razmatrani su i zaključkom prihvaćeni izvještaji o poslovanju za 2016. godinu tri javne ustanove iz resora Ministarstva zdravstva ZDK. Ovom prilikom Skupština je prihvatile slijedeće izvještaje: Izvještaj o poslovanju JZU Zavod za bolesti ovisnosti Zeničko-dobojskog kantona za 2016. godinu, Izvještaj o poslovanju JU Zavod za medicinu rada i sportsku medicinu Zeničko-dobojskog kantona za 2016. godinu i Izvještaj o poslovanju Javne ustanove Institut za zdravlje i sigurnost hrane Zenica za 2016. godinu. Razmatrane su i prihvaćene i dvije informacije i to Informacija o stanju u boračkoj populaciji

na području ZDK (Ostvarivanje prava boraca i članova njihovih porodica na području ZDK s osrvtom na rad i aktivnosti kantonalnih boračkih udruženja), koja je tiče ostvarivanja prava navedene kategorije građana sa osrvtom na rad i aktivnosti njihovih kantonalnih udruženja. Informacija daje prikaz podataka koji se odnose na period 2015. i 2016. godine, a cilj Informacije je analitički prikaz problematike pitanja boraca i članova njihovih porodica, sa potrebnim konstatacijama i stavovima, te zaključcima i prijedlozima o budućem radu u ovoj oblasti. Druga prihvaćena informacija je, Informacija o dostignutom stanju u oblastima socijalne zaštite, zaštite civilnih žrtava rata i zaštite porodice sa djecom u 2016. godini. Ova Informacija je takođe od posebnog značaja jer sadrži zaključke i preporuke resornog Ministarstva definisane na osnovu prezentiranih pokazatelja i potreba, kako lica u stanju socijalne potrebe i šire javnosti, tako i institucija/ ustanova, te organizacija civilnog društva sa naglaskom na nevladine i neprofitne organizacije.


SPORAZUM SA SINDIKATOM

Nastavljeni su razgovori između premijera Zeničko-dobojskog kantona i predstavnika Samostalnog sindikata državnih službenika i namještenika u organima državne službe o usklajivanje propisa o načinu obračuna plaća i naknada u organima državne službe ZDK sa zakonskom regulativom na nivou Federacije BiH te je, na obostrano zadovoljstvo, postignut sporazum da Vlada Kanona započne proceduru donošenja Zakona o plaćama u organima



državne službe ZDK i da njegova primjena počne od 1. septembra 2017. godine.

SVEUČILIŠTE/UNIVERZITET „VITEZ“



Fakultet pravnih nauka

- *Opće pravo*
- *Krivično-finansijsko pravo*

Fakultet pravnih nauka realizira osnovne akademske studije I. ciklusa, magisterske studije II. ciklusa i doktorske studije III. ciklusa, distance-learning (učenje na daljinu) te programe cjeloživotnog učenja, odnosno stalno osposobljavanje i usavršavanje.

Fakultet poslovne ekonomije

- *Poduzetnički menadžment*
- *Financije, računovodstvo i revizija*

Fakultet poslovne ekonomije realizira osnovne akademske studije I. ciklusa, magisterske studije II. ciklusa i doktorske studije III. ciklusa, distance-learning (učenje na daljinu) te programe cjeloživotnog učenja, odnosno stalno osposobljavanje i usavršavanje.

Fakultet informacionih tehnologija

- *Poslovna informatika*
- *Informacijske tehnologije*

REZULTATAKADEMSKOG OBRAZOVANJA NAŠIH STUDENATA SU INFORMATIČKI STRUČNJACI PRIZNATI DILJEM SVIJETA

Fakultet informacionih tehnologija realizira osnovne akademske studije I. ciklusa, magisterske studije II. ciklusa i doktorske studije III. ciklusa, distance-learning (učenje na daljinu) te programe cjeloživotnog učenja, odnosno stalno osposobljavanje i usavršavanje.

Fakultet zdravstvenih studija

- *Sestrinstvo*
- *Fizioterapija i radna terapija*
- *Sanitarni inženjering*

VISOKOKVALITETNO OBRAZOVANJE BUDUĆIH ZDRAVSTVENIH RADNIKA

Fakultet zdravstvenih studija realizira osnovne akademske studije I. ciklusa i magisterske studije II. ciklusa te programe cjeloživotnog učenja, odnosno stalno osposobljavanje i usavršavanje.

SVEUČILIŠTE/UNIVERZITET „VITEZ“

Školska 23, Travnik, +387 30 509 750, +387 30 509 763
www.unvi.edu.ba www.fit.co.ba info@unvi.edu.ba

O SMETOVIMA NA VIJEĆU



Forum građana Zenice i 17 drugih udruženja i klubova koji su se nazvali Ujedinjena Zenica za Smetove podnijeli su zahtjev da se na dnevni red Gradskog vijeća Zenice stavi pitanje korištenja i budućnost izletišta Smetovi. - Od decembra prošle godine borimo se da gradske vlasti učine nešto za Smetove. U borbi za Smetove priključilo nam se još 17 raznih udruženja i klubova koji smatraju da je konačno vrijeme da se riješe mnoge stvari vezane uz Smetove. Neko mora donijeti odluke, kako bi se konačno nešto pokrenulo. Na Smetovima je ove godine bila akcija čišćenja koju je pokrenuo gradonačelnik Fuad Kasumović i nakon sedam dana Smetovi su opet bili prljavi. Nije gradonačelnik posao da organizuje čišćenje Smetova, nego da od nadležnih službi traži da obavljaju svoj posao. Ako se ne zna ko šta treba da radi, onda to treba definisati. Mi smatramo da prvi potez mora povući Gradsko vijeće i na svojoj sjednici donijeti određene odluke, kažu iz Forum-a građana Zenice. Godine 1984. urađen je regulacioni plan Rekreaciono-sportski centar Smetovi - Zenica. Izgradnja ovog centra na Smetovima bila je predviđena Srednjoročnim planom razvoja za period 1985-1990. Prema ovom planu, na području Smetova trebali su biti izgrađeni razni sadržaji, ali vrlo malo je od toga urađeno. U nekoliko navrata u proteklom periodu se ponovo pričalo o Smetovima, ali je sve ostalo na priči. Prema Strategiji razvoja općine Zenica za 2012-2013. godinu, predviđena je izrada plana upravljanja rekreacionim područjem Smetovi, za čiju je izradu bila zadužena Općina, što nije nikada urađeno.



BOLNICA TRAVNIK DOBILA DVA NOVA ODJELA

JU Javnoj ustanovi Bolnica Travnik svečano su otvoreni odjeli ORL i oftamologije, a nakon toga u rad je pušten i novi CT – uređaj. Za pacijente će to značiti bržu uslugu, a za Zavod zdravstvenog osiguranja Srednjobosanskog kantona značajne uštede. Nakon šest mjeseci radova u prilici smo da ponudimo tri nova važna segmenta u našoj ustanovi. Obnovljeni su odjeli oftamologije i ORL za kojim je vatio naš Kanton, a uz to imamo mladi i stručan kadar. U taj prostor, uz ranije obnovljenu ortopediju i urologiju uloženo 100.000 KM. Drugi važan segment je opremanje naše radilogije novim CT-uređajem, jer naš stari uređaj bio je punoljetan. Doživio je 18 godina, kazao je prim.dr. Mirsad Granov, direktor JU Bolnica Travnik. Novi CT – uređaj instaliran u travničkoj bolnici

ima izvanredne mogućnosti uz minimalne štetne uticaje za pacijente. Vlada SBK je kroz nekoliko odluka za CT uređaj izdvojila iznos 299.989 KM, dok je za dodatni CR – sistem za kompjuteriziranu radiografiju izdvojeno 45.000 KM čime će CT uređaj biti bolje iskorišten. Posebnom odlukom izdvojeno je još 50.000 KM za adaptaciju prostora u kojem će biti smješten novi CT – uređaj.



PRIVREDNA DELEGACIJA IZ TURSKE

Delegacija Odjeljenja za trgovinu i Vanjsko trgovinska organizacija turske regije „Marmaris“ boravila je Travniku gdje je održala sastanak sa predstvincima Vlade Srednjobosanskog kantona, te predstvincima privrede. Sa privrednim potencijalima Srednjobosanskog kantona goste su upoznali kantonalni premijer Tahir Lendo i ministar privrede Sedžad Milanović. Razlog naše posjete je da ugovor o saradnji koji smo nedavno potpisali u Marmarisu ne bi bio mrtvo slovo na papiru,

nego želimo početi konkretnu saradnju i investiranje, kazao je Mehmet Bays koji je na čelu delegacije iz Marmarisa. Turska regija Marmaris prepoznatljiva je po turizmu od kojeg se ostvaruje 80 posto prihoda, te po poljoprivrednoj proizvodnji.



Selvedin Šatorović, predsjednik Samostalnog sindikata osnovnog obrazovanja i odgoja ZDK

BORIĆEMO SE ZA ISTE PLATE U ČITAVOJ FBIH !

Superinfo Ponovno ste izabrani za predsjednika KO SSOOO ZDK...

Kantonalno povjereništvo Sindikata osnovnog obrazovanja i odgoja Zeničko-dobojskog kantona imalo je u aprilu izborno-izvještajnu skupštinu gdje je ponovno izabran Kantonalni odbor na čelu sa mnom što je pokazatelj jednog kontinuiteta rada na području ovog kantona. Imajući u vidu svu problematiku, a tice se, prije svega, smanjenog broja upisanih učenika u osnovne škole, da se sindikat uspješno bori sa tim problemom.

Superinfo Koji su problemi sa kojima se najviše suočava Sindikat?

Problem sa kojima se najviše suočava Sindikat su niska primanja prosvjetnih radnika koja se u narednom periodu moraju popraviti. Međutim, problem tih primanja je u suštini problem Zakona o pripadnosti javnih prihoda koji dolazi na području ZDK. Ovaj kanton je jedan od kantona koji možda i najviše procentualno izdvaja za plate prosvjetnih radnika u odnosu na ostale kantone u Federaciji, a, nažalost, zbog smanjenih prihoda i smanjenog budžeta naša primanja su među najnižim u Federaciji. Bez obzira na sve to, mi ćemo zahtjevati od premijera ZDK da prilikom potpisivanja novog kolektivnog ugovora, tokom naredne godine, jer kolektivni ugovor koji je potписан i koji se dosljedno primjenjuje važi do novembra 2018. godine. Nekih tri mjeseca ranije prema zaključku bi trebali pristupiti usaglašavanju i potpisivanju novog. Tražićemo veća izdvajanja i veće plate za prosvjetne radnike i to je nešto što je naš stalni trend.

Superinfo Kakva je sudbina ostalih budžetskih korisnika u ZDK?

Na području ZDK je prisutna jedinstvena politika plaća i ono što se dešava u sektoru obrazovanja sasvim sigurno je isto u policiji, u organima uprave i mi ćemo definitivno očekivati od zastupnika u oba doma parlamenta Federacije BiH (Predsjednički dom i Dom naroda) da u narednom periodu pokrenu inicijativu za izmjene navedenih zakona kako bi ZDK dobio mjesto koje mu pripada. Ovdje mi

ne aludiramo niti tražimo bilo čije novce ili tražimo da se smanji bilo koja plata na bilo kom dijelu FBIH, nego očekujemo da, shodno strnjemu, se konačno stvore uslovi da svi prosvjetni radnici imaju jednakе plate na nivou FBIH.



Superinfo Zakon o radu je tretirao upravo taj dio da bude ista plata za isti posao...

Da, Zakon o radu je donio takvu odredbu koja je ranije stajala u opštem kolektivnom ugovoru i mi smo na takve stvari u zakonu upozorili Vladu Federacije da se mogu suočiti sa novim setom tužbi koje će ovaj puta biti usmjerene prema Vladu Federacije i na taj način će prosvjetni radnici biti obeštećeni. Ono što jeste naš cilj i što je u skladu sa međunarodnim konvencijama, da radnik koji radi u Zenici isti posao, ima istu platu kao i radnik u Bihaću, Mostaru ili Sarajevu, te da svakako i učenici koji pohađaju nastavu u bilo kom dijelu FBIH treba da imaju jednakе uslove.

Superinfo Svake godine je sve manje učenika?

To je tačno. Svake godine je sve manji broj učenika. Moramo voditi računa o tim stvarima. Do sada smo imali poprilično senzibilan odnos Vlade ZDK i resornog ministarstva po tom pitanju. Niti jedan član sindikata bez obzira na broj učenika nije ostao bez posla. Ali, se to, nažalost,

ne tretira na ukupna primanja. Jer, iz tih razloga ne možemo imati nešto veća primanja. Ove godine smo usaglasili sa Ministarstvom obrazovanja, nauke, kulture i sporta ZDK dosadašnji prosječan broj učenika u odjeljenju koji je bio 23 da se smanji za još jednu poziciju i sada je to 22, upravo iz razloga da ne dolazi do tehnoškog viška. Sigurno je da radnici u osnovnom obrazovanju a mogu kazati i u srednjem, pošto je to zajednički program, ne moraju razmišljati da će biti tehnoški višak jer smo dogovorili i ove godine da neće biti proglašenja tehnoškog viška i da niko neće ići na Zavod za zapošljavanje. Dakle, svi će biti uredno zbrinuti.

Superinfo Dokle se došlo sa Zakonima o osnovnoj i srednjoj školi?

Oni su u proceduri. Trebaju biti doneseni ovih dana. Mi smo u stalnom kontaktu sa ministrom i predstvincima Vlade. Tekst Zakona o osnovnoj školi je prošao kompletну javnu raspravu, bio je u svakoj školi, u svakoj podružnici svaki član sindikata je mogao dati primjedbu. Ono što su najviše zahtjevali od sindikata da u pregovorima sa Ministarstvom se ugradи u zakon je učinjeno. I dalje je potpuno ograničenje mandata na dva mandata, vratili smo odredbu gdje disciplinske mjere za nemirne učenike da mogu biti premješteni u drugu, najbližu, osnovnu školu. Ukoliko se Zakon usvoji u ovom obliku, usaglašen sa Sindikatom, će imati zeleno svjetlo i predstavljaće određeni napredak. Tu ima dosta novina koje će se pokazati u smislu unapređenja odgojno-obrazovnog procesa. Ovaj Sindikat ne vodi isključivo računa o interesima radnika nego i o interesima šire društvene zajednice na način da kompletan taj spoj i odgojno-obrazovni proces u kojem je učenik u centru pažnje, naši partneri roditelji i nastavnici naprave što bolje rezultate. Nakon zakona na red će doći i izmjene pedagoških standarda i tu ćemo pokušati da riješimo određene probleme koje imamo po pitanju administrativnih radnika, računovodstvenih radnika, po pitanju ulaska u normu časa odjeljenske zajednice.

PRIVREDNICI IZ TURSKE U ZEDI



U Impulsnom kreativnom centru Agencije ZEDA, privredna delegacija Regije Marmaris, Turska sastala se s privrednim subjektima grada Zenice. Ovom prilikom u fokusu su bili privrednici koji djeluju u oblasti turizma i srodnim djelatnostima. Ovom prilikom Zenicu su posjetili Mehmet Baysa, predsjednik Marmaris Privredne komore, Cuneyt Unver; generalni sekretar Privredne komore, Bulent Bulbuloglu, predsjednik Udruženja hotelijera, Cahit Saribey, menadžer Udruženja hotelijera, Ali Kirli, predsjednik Tursab – Udruženje turističkih agencija, Menderes Akbulut, generalni sekretar Tursab-a, te Erdinc Ekin, član odbora Tursab-a. Događaju su prisustvovali i predstavnici Grada Zenice, Turističke zajednice Zeničko-dobojskog kantona, Privredne komore ZE-DO kantona, Udruženja poslodavaca Zenica, Poslovnog sistema RMK Zenica koji je organizator Generalnog bh. sajma ZEPS te predstavnici turističkih agencija koji su gostima iz Turske detaljnije pojasnili oblasti u kojima djeluju. U ime Grada Zenice, Amra Mehmedić, šef sektora za lokalni ekonomski razvoj, predstavila je investicione potencijale Zenice. Ova posjeta je upriličena kako bi se razgovaralo o potencijalnoj saradnji turskih i naših privrednih subjekata koji djeluju u oblasti turizma ili srodnim djelatnostima. Nakon predstavljanja i upoznavanja gostiju s bogatstvima i potencijalima našeg grada i kantona, uslijedili su direktni razgovori o mogućnostima saradnje, partnerstvima i uspostavljanju veza Turske i našeg grada i kantona kada je riječ o turizmu. Treba napomenuti da je ovo uzvratna posjeta Turske delegacije našoj zemlji.



RJEŠAVANJE PROBLEMA PUTO MJEŠTANA BABINSKOG SLIVA

Gradonačelnik Fuad Kasumović sa saradnicima je primio predstavnike JP Autoceste FBiH, MUP ZDK-a, Kantonalne direkcije za ceste, ŠPD ZDK-a, Komgrad-Ze d.o.o. Zenica, izvođače radova na Koridoru Vc i predstavnike MZ Babinskog sliva. Povod za sastanak su saobraćajni problemi nastali uništavanjem puta prekomjernim teretom posebno prolaskom teških kamiona. Na sastanku su dogovoren uslovi i nadzor korištenja i održavanja putne infrastrukture na ovom području. Služba za ekologiju, komunalne i inspekcijske poslove će u narednih sedam dana izraditi elaborat sanacije najugroženijeg dijela puta.

To podrazumijeva novo asfaltiranje dionice potpuno uništenog dijela puta Bolnica – Kula u dužini od oko dva kilometra i saniranje puta Kula – Arnauti na ugroženim dijelovima. Postavljen je znak zabrane prometa vozila čija težina prelazi 20 tona. - Ja se nadam da neće doći do protesta građana, zato je i organizovan ovaj sastanak radi poboljšanja uslova života građana na ovom području. Pokazana je dobra volja svih učesnika sastanka Autocesta FBiH, ŠPD-a, Komgrad-Ze, JATA za rješavanje ovog problema, izjavio je nakon sastanka gradonačelnik Kasumović.

SPRIJEĆENA DALJA DEVASTACIJA U DUĆAMA

Kabinet gradonačelnika Zenice nedavno je obaviješten o novom oštećenju na ogradi i bespravnom ulasku građevinskih mašina u "Zeničko odmaralište" u mjestu Duće kod Omiša, koje je vlasništvo Grada Zenice. Izlaskom na lice mjesa predstavnika Gradske uprave Zenica, utvrđeno je kako se oštećenje dogodilo od strane mještana. Po nalogu gradonačelnika Fuada Kasumovića i njegove intervencije kod nadležnih u Općini Dugi Rat, kao i kod lokalnog stanovništva, ograda je popravljena i vraćena u prvobitno stanje. Osobe koje su izvršile oštećenje, obavezale su se da će sanirati i štetu nastalu na ogradi prilikom nedavne saobraćajne nezgode na putu Omiš – Split, te dovesti u red i kultivisati sam posjed, saopšteno je iz Press službe Grada



Zenice. Odlukom Gradskog vijeća Zenica i gradonačelnika Kasumovića, "Zeničko odmaralište" koje je 1961. godine kupljeno sredstvima iz budžeta tadašnje Općine Zenica, a koje je od 1991. godine van funkcije i potpuno devastirano, iduće sedmice bit će predmet prodaje putem međunarodnog javnog poziva.



DRUŠTVO LAJPCIG - TRAVNIK OBILJEŽAVA 20 GODINA RADA

Delegacija iz partnerskog grada Lajpciga po dvadeseti puta boravila je u Travniku i tako se nastavlja jedno od najprepoznatljivijih gradskih partnerstava. - I u Lajpcigu, i u Saskoj i Njemačkoj partnerstvo Travnika i Lajpciga je najsadržanije. Prepoznato je i u Evropskoj Uniji. To se vidi na raznim projektima. I ove godine ovdje je delegacija od 50 osoba iz raznih udruženja, klubova i institucija, kazao je Mihael Vajhert (Michael Weichert), predsjednik Društva za unapređenje gradskog partnerstva i počasni konzul BiH u Lajpcigu. Obraćajući se vijećnicima novog saziva OV Travnik

na sjednici, gospodin Vajhert je kazao kako je Lajpcig najbrže rastući grad u Njemačkoj u koji svake godine dolazi 10.000 novih stanovnika. Osvrnuo se i na važne jubileje u partnerstvu dva grada. Ove godine navršilo se 20 godina od osnivanja Društva za unapređenje gradskog partnerstva Lajpcig – Travnik, a naredne godine obilježit ćemo 15 godina od potpisivanja partnerstva, naglasio je Vajhert uputivši poziv predsjednicima klubova političkih stranaka u OV Travnik, predsjedavajućoj Vijeća i načelniku Općine da posjete Lajpcig.

DŽAMIJA LONČARICA

Nakon temeljne obnove Lončarica džamija u Travniku stavljenja je ponovo funkciju. Medžlisa Islamske zajednice Travnik organizirao je kratki program kako bi se ovaj događaj obilježio u društvu brojnih džematlija koje su došle u džamiju da zajednički prouče hajr dovu donatoru i svima onima koji su dali doprinos da ovaj lijepi objekat ponovo zasija kao nekada. Na Lončarici su izvedeni radovi na obnovi fasade, obnovljena je munara, zamjenjen krov i oluci, te obnovljena unutrašnjost džamije i uvedeno grijanje. Programu su prisustvovali glavni imam Medžlisa Iz Travnik, mr. Salih ef. Indžić, predsjednik Medžlisa, dr. Nermin Šušić, te predsjednik Progress Centra iz Travnika, Abdulkadir Indžić i gradski imami. Obraćajući se prisutnima glavni imam Salih ef. Indžić, najavio aktiviranje ove džamije u punom kapacitetu u periodu dok se bude renovirala Šarena (Sulejmanija)

džamija, što bi trebalo biti vrlo skoro. Nema pouzdanih podataka kada je ova džamija sagrađena, ali se predpostavlja da je to bilo u prvoj polovini XVIII stoljeća. Dostupni dokumenti govore da je Lončarica obnovljena 1767. godine i uz nju mekteb i medresa.



DONACIJA ZA OSNOVNU MUZIČKU ŠKOLU

U sklopu ovogodišnje posjete Travniku predstavnici Muzičke škole Johan Sebastian Bach iz Lajpciga uručili su novačani ček u iznosu od 2.400 maraka i tri instrumenta Osnovnoj muzičkoj školi Travnik. Saradnje ove dvije obrazovne institucije traje već pet godina i do sada su realizovani zajednički projekti i nastupi. Saradnja je počela 2012.godine. Mi smo 2014. godine boravili u Lajpcigu gdje smo imali i zajednički nastup u Mendelsonovoj dvorani i Gewandhausu. Ove godine naši prijatelji iz Lajpciga su u Travniku, a susret i zajednički nastupi planirani su i za narednu godinu, kazala nam je direktorka Osnovne muzičke škole Travnik, Zerina Zupurović.

554. GODINE OD PRVOG POMENA IMENA TRAVNIK!

Prigodom ilustracijom Zavičajni muzej Travnik podsjetio je da je prije 554. godine prvi put pomenuto ime grada Travnika. U izvještaj trogirskog kneza datiranom 3. juna 1463. godine, pisanom na latinskom jeziku stoji sljedeće: „Ovim pismom potvrđujem ono što je više puta utvrđeno od strane vjesnika kojeg poslal u Bosnu zbog turske okupacije, a to je da je grad Bobovac zauzet od strane Turaka, na sličan način kao što biješe i drugi grad, Travnik.“ Izvještaj se u čuva u Arhivu grada Zadra pod nazivom „Trogirski izvještaj! To je ujedno i prvi pomen grada Travnika u historiji. Podatak o

predaji utvrđenog grada Travnika Osmanlijama potvrđuje i Sumarni popis sandžaka Bosna iz 1468/9. godine.



Svim građanima islamske vjeroispovijesti Bajram Šerif Mubarek Olsun!



GRAD ZENICA



FUAD KASUMOVIĆ
GRADONAČELNIK



IZLOŽBA ZENIČKOG PREVRTAČA


Članovi Udruženja građana za uzgoj i zaštitu sitnih životinja iz Zenice povodom Svjetskog dana ptica selica i šuma organizovalo je izložbu autohtone rase goluba Zenički prevrtač, ali i drugih rasa goluba, kao i kunića i drugih sitnih životinja. Zeničani su tako imali priliku vidjeti ove životinje, fotografisati se sa njima, a oni koji su bili zainteresovani da se počnu baviti uzgojem neke od domaćih

rasa goluba dobili su na poklon po par golubova i kavez. - Svojim sugrađanima smo željeli pokazati šta smo napravili radeći zadnjih 30 - 35 godina na domaćoj rasi goluba. Zenički prevrtač je predstavljen u devet boja. Predstavili smo i Bihaćkog prevrtača, Komoranskog goluba... Takođe smo iznijeli i pjetlove, kuniće..., kazao je Almir Muco, predsjednik Sekcije golubara UG za uzgoj i zaštitu

sitnih životinja Zenica. Goran Jerkić je objasnio da je oko 2.000 tona hrane iz rase Zenički prevrtač. U narednih sedam - osam mjeseci je najavljeno šest izložbi u Bosni i Hercegovini na kojim će nastupiti ova rasa goluba. Savezna izložba je u januaru 2018. u Ljubuškom. Jedanaest izlagafača golubova iz zenice biće na svim ovim izložbama. Emir Dedić i Salih Bošnjak bave se dobijanjem Zeničkog prevrtača u specifičnim bojama ali i uzgajanjem goluba Komoronca. Hasan Softić je predsjednik Udrženja i jedan od najuspješnijih uzgajivača sa najviše šampiona među golubovima. Zenica je ove godine odnijela titule za najbolje Bihaćke prevrtače, a dobili je u Bihaću.- Ovo je prilika da građani koji su čuli za Zeničkog prevrtača a nisu ga vidjeli, dođu i uvjere se u njihovu ljepotu. Najdraže nam je kada djeca dođu da pogledaju kako izgleda ova autohtonata rasa goluba. Djeca vole životinje i žele se fotografisati sa njima. Bio sam u svim bojama šampion za Zeničkog prevrtača. Sada radim jednu boju koja je atraktivna i lijepa, to je fako boja. Već sam izlagao. Držim isto ukrasne golubove Komorance koji su isto tako zahtjevni, rekao je Hasan Softić, jedan od najzaslužnijih ljudi za nastanak rase Zenički prevrtač. lokalnog goluba.

PLEXIGLAS

Plexiglas - akrilne ploče, odlikuju se odličnom propusnošću svjetlosti, malom težinom i mogućnošću jednostavne obrade. Imaju vrlo široku primjenu u industriji i građevinarstvu, naročito za izradu svjetlosnih kupola, nadstrešnica, ograda i mnogo drugih dekorativnih elemenata. Gotovo nezamjenjiv materijal u izradi reklamnih natpisa i panoa.



POLIKARBONAT

Polikarbonat je poznat po vrlo velikoj otpornosti na udarce, izvrsnoj optičkoj prozirnosti i izuzetnim protupožarnim svojstvima. Ta jedinstvena svojstva, uz pojačanu UV zaštitu i izolacijsku višeslojnu izvedbu, polikarbonat čine idealnim za prekrivanje različitih površina u domaćinstvima, zimskim vrtovima, staklenicama, sportskim, rekreacijskim i industrijskim objektima.



KOMISIJE ZA MLADE ZDK



Predstavnici Komisije za mlade Zeničko-dobojskog kantona su održali radni sastanak na kojem su prisutni bili i predstavnici Komisije za pitanja mladih i ravnopravnost spolova Općinskog vijeća Maglaj. Predstavnici komisije Općinskog vijeća Maglaj su informisali kantonalnu Komisiju o aktivnostima koje sprovode na poboljšanju mladih u Općini Maglaj. Ova prilika je iskoristena kako bi se dala podrška uspostavljanju saradnje sa Komisijom za pitanja mladih i ravnopravnost spolova Općinskog vijeća Maglaj, te su pozvani da daju svoj doprinos u izradi Strategije omladinske politike na području ZDK za period 2017-2021. godina.



STOTINU NOVIH POLICAJACA U MUP ZDK

MUP ZDK bogatiji je za stotinu policajaca. Radi se o kadetima 30. generacije kojima je, nakon uspješno završene obuke na Policijskoj akademiji federalnog MUP-a u Sarajevu, dodijeljen čin policajac u kantonalnom MUP-u. Oni su na atletskom stadionu u Zenici položili zakletvu i potpisali etički kodeks policijskog službenika i ugovore o radu. Kako su rekli iz MUP-a ZDK-a, cilj je da imaju časne, profesionalne i obrazovane uposlenike, koji će u budućem radu svojim znanjem, stečenim vještinama i profesionalnim pristupom odgovoriti na složene zahtjeve današnjice i svim građanima Kantona obezbijediti maksimalnu ličnu i imovinsku sigurnost. - Danas imamo razloga biti radosni i ponosni. Ne događa se često da u policijsku službu stupi stotinu mladih i motivisanih mladića i djevojaka. Ovo će značajno doprinijeti osvježenju i jačanju

policajskog sastava. Veliku zahvalnost dugujemo Vladi ZDK-a, bez čije odluke i finansijske podrške ovaj projekat ne bi bilo moguće realizovati. Iz budžetskih sredstava je za školovanje ovih kadeta, njihovo opremanje i uniforme dosad izdvojeno 750.000 KM, kazao je policijski komesar Semir Šut. Kadetima je poručio da je uvjeren da će njihov početak rada u MUP-u dati novi i snažan zamah jačanju policijskih redova, te da će građanima pružiti bolju uslugu koja se ogleda u sigurnijim ulicama, mirnom i bezbjednom odlasku u školu i na posao, bolju sigurnost učesnika u saobraćaju, kao i smanjenju stope kriminaliteta. Premijer Miralem Galijašević je naglasio da je opredjeljenje Vlade jačanje i podmlađivanje policije kadrom i opremom, te da je u toku izgradnja Edukacionog centra za policajce za smještaj specijalnih jedinica.

OTKRIVENI TUMORI KOŽE KOD VIŠE ZENIČANA

Institut za zdravljie i sigurnost hrane Zenica u saradnji sa Kantonalnom bolnicom Zenica, povodom Svjetskog dana borbe protiv malignih melanoma, organizovao je višednevnu akciju pregleda i provjera zdravstvenog stanja stanovništva u Zenici i Zeničko-dobojskog kantona. Pregledano je 250 osoba, a već ih je šezdesetak prijavljeno za pregled u septembru, kada će akcija biti nastavljena. Cilj ove kampanje je edukacija šire javnosti o opasnostima nepomišljenog ponašanja na suncu, štetnim posljedicama pretjeranog izlaganja UV zračenju na zdravljie, pravilnim načinima zaštite od UV zračenja te važnosti samopregleda mlađeži, rekla je dr. Elma Kuduzović, viša stručna saradnica za socijalnu medicinu

u INZ-u. Melanom, kojeg često nazivaju tihim ubicom, svakako spada u red bolesti novog doba. Svjetske klimatske promjene, kao i promjene u načinu života utječu na sve češću pojavu najzloćudnijeg tumora kože. Koža pamti svako izlaganje štetnom UV zračenju. U posljednjih nekoliko decenija značajno je u porasti broj karcinoma kože. Bitno je pravovremeno otkrivanje i liječenje, čime se daje mogućnost da pacijent nastavi normalan život, istakla je dr. Samira Dajić Hrvanović, dermatolog iz Kantonalne bolnice Zenica, koja je učestvovala u aktivnostima

INZ-a i KBZ-a. Uz nju su pregledi osoba koje su se prijavile na ovu akciju obavljale dr. Nikolina Smajlović Lojina, Aida Muhamremović i Aida Frndić.





ISPLATA POTRAŽIVANJA GRAĐANA

Grad Zenica obavještava povjeroce koji su sa Gradom potpisali sporazume o vansudskim nagodbama da je sačinjena lista redoslijeda isplate po istim. U skladu sa javnim pozivom koji je putem medija i Web stranice Grada uputio gradonačelnik Zenice, Gradsko pravobranilaštvo je potpisalo 84 sporazuma sa povjeriocima koji su se prijavili na javni poziv te sačinilo liste sa redoslijedom isplate po sporazumima. Liste su sačinjene u skladu sa uslovima iz javnog poziva to jest na način da oni povjeroci koji su se odrekli zateznih kamata, dijela glavnice i (ili) dijela troškova postupka imaju prioritet kod

isplate. Za sve ostale povjeroce koji su se odrekli samo zateznih kamata a kojih je najveći broj, redoslijed je utvrđen prema starosti prvostepene sudske presude. Počevši od 13. juna, svi povjeroци koji su potpisali sporazume treba da dođu u prostorije Gradskog pravobranilaštva u Zenici na adresi Školska broj 4. (bivša zgrada ZEDE) da bi pojedinačno ili putem advokata preuzeli liste sa redoslijedom isplate. Isplata po listama će početi odmah i to na račune koji su u sporazumima naznačili povjeroci i (ili) njihovi punomoćnici – advokati.

SARADNJA UNZE I ARCELORMITTALA ZENICA

Univerzitet u Zenici i kompanija ArcelorMittal Zenica potpisali su sporazum o saradnji koji se odnosi na međusobne dogovore i saradnju u svakom segmentu, od ekspertiza Univerziteta i ustupanja kompanije u koju studenti mogu ići na praksu, do toga da magistranti i doktoranti mogu raditi magistarske i doktorske radnje o temama potreba AMZ-a. - To je sporazum o naučno-tehničkoj saradnji, a to je i konekcija Univerziteta sa privrednim subjektom kao što je ArcelorMittal. Mislim da je ovo prvi put da smo sa jednom ovakvom kompanijom potpisali tako široki okvirni sporazum koji se odnosi na tehničko unapređenje rada AMZ-a, ali i unapređenje UNZE, kazao je Dževad Zečić, rektor UNZE. Biju Nair, direktor



ArcelorMittala, smatra da je važno imati dobru saradnju između instituta i industrije, da je slušao o takvom partnerstvu do 1992, te da mu je draga da može biti predvodnik novog memoranduma o razumjevanju dva partnera.

ZENIČANI NA IGRAMA MLADIH



Oko 60 učenica i učenika prije dvije godine uspješno su predstavljali Zenicu na igrama mladih u Njemačkoj. Zbog izuzetno dobrog dojma koji su ostavili, poziv za učešće stigao je i za ovogodišnje igre. Odmah nakon poziva u Sportskom savezu su poduzeli sve neophodne radnje kako bi na vrijeme organizovali odlazak u Njemačku. Izabrano je 30 učenica i 22 učenika koji su nekoliko sedmica trenirali i aktivno se pripremali za igre, a poduzete su i sve ostale aktivnosti na tehničkoj organizaciji odlaska u Njemačku. Prije polaska u Njemačku učenike je posjetio i najbolji BH atletičar Amel Tuka. Kao i prije dvije godine zenička ekspedicija je dostoјno prezentovala svoj grad i državu.

OTVOREN BAZEN U CRKVICAMA



Kako je i najavljeno, otvoren je bazen u Crkvicama. Kiša i loše vrijeme su spriječili JP za upravljanje i održavanje sportskih objekata da ranije započnu novu ljetnu sezonu, ali se nadaju da je bez obzira na to pred njima uspješno ljetno. Radno vrijeme bazena je od 10 do 19 sati, a cijena ulaznica je dnevna za odrasle 4 KM, za djecu 2 KM, a poludnevne od 15 sati iznose 2, odnosno 1 KM.

SASTANAK SA PREDSTAVNICIMA SPORTSKOG SAVEZA



Općinski načelnik Hašim Mujanović održao je sastanak sa predstavnicima Sportskog saveza općine Zavidovići: Elvir Starčević, predsjednik, Amir Muminović, predsjednik Skupštine, Mirela Bašić i Mujo Parić, članovi upravnog odbora, te Sead Buljina, koordinator na projektu rekonstrukcija SC "Partizan". Prisutni su predstavili načelniku aktivnosti Saveza kao i načine djelovanja u narednom periodu. Seda Buljina je informisao načelnika o projektu rekonstrukcije SC "Partizan" koji je urađen krajem 2016. godine te koji se sastoji iz tri faze: adaptacija košarkaškog terena, adaptacija teniskih terena i izgradnja trećeg terena uz izgradnju zgrade namjenjene za članice Saveza kao i prostorija istog. Mujo Parić je dao osnovne Informacije o sportu invalidnih osoba kao i poteškoćama koje su stalne za navedenu kategoriju. Amir Muminović je istakao značaj školskog sporta te napomenuo da je upravo to baza kako bi i na koji način trebalo da se ovoj populaciji posveti posebna pažnja. Mirela Bašić je govorila o sportskoj infrastrukturi s osvrtom na Gradsku dvoranu. Elvir Starčević, predsjednik Saveza istakao je da je u planu realizacija nekoliko značajnih sportskih projekata koji će imati za cilj promociju velikih sportskih imena iz našeg grada koji su imali svjetske karijere. Na kraju je općinski načelnik istakao zadovoljstvo na onome što Savez radi uz napomenu da će u budućnosti isti imati potpunu podršku. Takođe je napomenuo da će u budućnosti konsultovati Savez o značajnim pitanjima koja se tiču sporta jer je to jedini ispravan način. Konstatovano je da je neophodna Strategija za sport koja bi doprinijela i usmjerila pravac djelovanja kako sportskih kolektiva tako i izradu sportske infrastrukture u našoj općini.



DORIS PACK U TEŠNJU

Dugogodišnja zastupnica u Europskom parlamentu Doris Pack i dr. Lars Hänsel, šef Odjela za Europu i Sjevernu Ameriku u Centralni Fondacije Konrad Adenauer posjetili su Općinu Tešanj kako bi se sastali sa načelnicima općina Tešanj, Teslić i Žepče. Tokom sastanka, razgovarano je o uspješnoj saradnji ove tri općine. Oduševljena sam saradnjom općina Tešanj, Teslić i Žepče. Drago mi je da je novac iz Evropske unije došao u prave ruke, s obzirom da se radi o području

koje je plodno za poduzetništvo, kazala je Doris Pack, dugogodišnja zastupnica u Europskom parlamentu. Cilj današnjeg sastanka je da predstavimo saradnju naše tri općine, kako bi i drugi slični primjeri dobili podršku za slične projekte. Sretni smo da je Njemačka partner ovogodišnjeg Sajma, kazao je Općinski načelnik Suad Huskić. Nakon sastanka u Općini Tešanj, delegacija je u društvu načelnika tri općine posjetila Sajam privrede.

18 UGOVORA O REKONSTRUKCIJI STAMBENIH JEDINICA

Održana je ceremonija potpisivanja ugovora 18 korisnika Državnog projekta stambenog zbrinjavanja (DPSZ). Potpisnici ugovora su korisnici, Općina/Grad, Federalno ministarstvo raseljenih osoba i izbjeglica kao implementator i Ministarstvo za ljudska prava i izbjeglice Bosne i Hercegovine kao vodeća institucija. Ispred Federalnog ministarstva raseljenih osoba i izbjeglica prisustvovala je Jasmina Đonlić, koja je korisnicima poželjela mnogo sreće u nastavku, te zahvalila se Općinskom načelniku i saradnicima na izvrsno urađenom poslu. Nakon potpisivanja ugovora načelnik Mahmutagić prisutnima je poručio: „Želim da u tim objektima uživate u zdravlju i zadovoljstvu, te da kroz život olakšate



svoje svakodnevne potrebe. Općina će u skladu sa mogućnosti pomoći i u samoodrživosti“. Ugovori su zaključeni u okviru realizacije Pod-projekta BiH2-DPSZ, koji je uspostavljen Sporazumom o grantu između Razvojne banke Vijeća Europe i Bosne i Hercegovine u vezi sa Regionalnim programom stambenog zbrinjavanja.

REKONSTRUKCIJA KLASIČNE U KRUŽNU RASKRSNICU

U okviru kapitalnih projekata koje planira Vlada Zeničko-dobojskog kantona realizovati u 2017. godini, kantonalni premijer Miralem Galijašević smatra da je jedan od važnijih projekata rekonstrukcija postojeće klasične raskrsnice u kružnu

raskrsnicu u Visokom, čime će se poboljšati putna komunikacija ulaska u Visoko. ZDK je za ovaj projekat obezbijedio 270.000 KM koje će se implementirati putem Kantonalne direkcije za ceste.



NOVI DAMPERI NA VRTLIŠTU

Iz sredstava dokapitalizacije rudnika uglja koji posluju u sastavu koncerna JP Elektroprivreda BiH u Rudniku Kakanj realizirana je najveća i najznačajnija investicija planirana za ovu godinu. Riječ je o nabavci pet dampera, kamiona marke Belaz, čija je nosivost 136 tona, vrijednosti 11 miliona maraka. Kamioni su u segmentima dopremani na površinski kop Vrtlište i tokom aprila obavljeni su poslovi njihove montaže. abavkom ovih kamiona otvara sa 25 novih radnih mjeseta. - Ovo je oprema koja će omogućiti kontinuitet na podizanju i transportu čvrste jalove mase te u budućem periodu dostizanje godišnjeg

proizvodnog kapaciteta od milion tona uglja na površinskom kopu Vrtlište, kazao je Kasim Alajbegović, generalni direktor RMU Kakanj. Podsjećamo, u augustu 2014, za potrebe PK Vrtlište nabavljeno je pet dampera nosivosti 110 tona, a njihova vrijednost iznosila je 8,4 miliona KM. S novih pet kamiona, koji su još veće nosivosti, tehnološka linija na transportu otkrivke čvrste jalove mase, sada ima znatno veći kapacitet. Da bi taj veći kapacitet bio u potpunosti iskorišten, u julu se očekuje isporuka elektro-hidrauličnog bagera, vrijednog 5,4 miliona KM, zapremine kašike do 15 kubnih metara.



PRIJEM ZA NAGRAĐENE UČENIKE

Načelnik općine Žepče Mato Zovko sa svojim pomoćnicima upriličio je prijem za učenike glazbene škole Katarina Kosača Kotromanović Žepče koji su sudjelovali i osvojili nagrade na kantonalnim i federalnim natjecanjima te prijem za učenike srednjih škola općine Žepče koji su sudjelovali na sportskim natjecanjima također na kantonalnoj i federalnoj razini. Na početku prijema za učenike glazbene škole sve nazočne je pozdravio pomoćnik načelnika Iliju Barešić i uputio svoju čestiku svim učenicima i profesorima. Nakon toga je Pero Zekić, ravnatelj glazbene škole se zahvalio na potpori općine u svakom pogledu, naglašavajući i finansijsku pomoć. - Učenici žepčake glazbene škole u protekljoj školskoj godini osvojili su 44 nagrade i to 16 prvih nagrada, 14 drugih nagrada i 12 trećih nagrada,

kazao je Zekić. On je naglasio da je to veliki napredak u odnosu na proteklu školsku godinu koja je također bila uspješna. Par riječi o učenicima i natjecanjima kazala je i Tatjan Nikić, profesorica klavira u glazbenoj školi. Ona je naglasila da su Žepčaci sudjelovali u sedam natjecanja od toga dva domaća i pet međunarodnih te pohvalila sve učenike za njihov rad i zalaganje. Nakon govornog dijela kratko su se predstavili učenici koji su osvojili nagrade od kojih su posebno istaknute tri učenice koje su osvojile prva mjesta i na federalnom i na kantonalnom natjecanju a to su Bernarda Jukić, Andrea Barešić i Sara Skejjić. Na kraju ovog prijema općinski načelnik je čestitao svima te najuspješnijim učenicima uručio simbolične nagrde.

PRIZNANJE ZA MANDRU



Na nedavno održanoj sjednici Saveza općina i gradova F BiH imenovani su predsjednik, zamjenik predsjednika i članovi Predsjedništva Saveza. Za jednog od članova Predsjedništva Saveza izabran je načelnik Općine Kakanj Nermin Mandra. Za predsjednika Predsjedništva Saveza izabran je načelnik Općine Hadžići Hamdo Ejubović. Predsjedništvo broji 11 članova među kojima su i gradačelnik Grada Sarajeva Abdulah Skaka, načelnik Općine Centar Sarajevo Nedžad Ajnadžić, načelnik Općine Čitluk Marin Radišić, načelnik Općine Jajce Edin Hoza. Mandat predsjednika, zamjenika predsjednika i članova Predsjedništva traje četiri godine.

ITALIJANSKI INVESTITORI



Predstavnici italijanskog investitora, između ostalih i Franz Bertorimi, boravili su ovih dana u posjeti općini Zavidovići. Općinski načelnik Hašim Mujanović ugostio ih je 12. juna u svom kabinetu. Ovo je njihova druga posjeta našoj općini i ovom prilikom izrazili su želju za poslovnom saradnjom na sanaciji Gradske deponije – Ekonomija. Očekivanja su da bi tu zaposlili 20-40 radnika sa područja Zavidovića. Zadovoljstvo nam je da kažemo da su italijanski investitori već u proceduri otvaranja firme, a da su projekat i postojeća investiciono-tehnička dokumentacija kompatibilni sa postojećom Općine Zavidovići.

Ajla Škrbić je dobila stipendiju UN-a

Doc. dr. Ajla Škrbić, docentica na užim nastavnim oblastima Međunarodnog prava i Javnog prava, mlada je doktorica pravnih nauka iz Zenice. Završila je Pravni fakultet na Univerzitetu u Sarajevu, magistrirala na Pravnom fakultetu Univerziteta u Zenici, a doktorirala na Pravnom fakultetu Univerziteta "Džemal Bijedić" u Mostaru. Ajla Škrbić danas je docent i prodekanesa za naučnoistraživačku djelatnost i razvoj na Pravu univerziteta u Travniku, Kiseljaku i Tuzli. Sa referencama jednog od najboljih mlađih stručnjaka za međunarodno pravo u BiH i regionu, Ajla Škrbić je odlukom ureda pravnih poslova Ujedinjenih nacija iz New Yorka



izabrana za stipendistu UN-a, te će kao jedini predstavnik sa područja bivše Jugoslavije od 26. jula do 4. avgusta biti učesnik naučnog simpozija po Programu Ujedinjenih nacija na Haškoj akademiji međunarodnog prava (Holandija). Ovaj program Ujedinjenih nacija se provodi

još od 1965. godine, jedne godine na engleskom, a druge godine na francuskom jeziku. Ove godine simpozij će se održati na engleskom jeziku. Nikada do sada na njemu nije bilo predstavnika sa prostora bivše Jugoslavije. Simpozij okuplja uspješne profesore i praktičare međunarodnog prava. - Radujem se što ću učestvovati u radu ovog uvaženog naučnog skupa. Biće to za mene zaista ogromno iskustvo iz oblasti međunarodnog prava, iz koje je i moja doktorska disertacija, a upoznaću i nove mlade kolege i profesore međunarodnog prava sa iskustvom iz raznih dijelova svijeta, kazala je Ajla Škrbić.

2.000 osoba na dijalizi u F BiH, 200 na listi čekanja za transplantaciju

Na području Federacije BiH život 2.000 pacijenata zavisi od dijalize, a na listi čekanja za transplantaciju je svega 200 osoba, moglo se čuti na 8. Međunarodnim susretima dijaliziranih i transplantiranih koji su održani na Vlašiću u organizaciji Udruženja/Udruge dijaliziranih i transplantiranih bolesnika F BiH. I dok se iz godine u godinu izdvajaju ogromna sredstva za skupu dijalizu, broj transplantacija u našoj zemlji je minimalan. U Udruženju dijaliziranih i transplantiranih Federacije BiH kažu kako se na transplantaciju u našoj zemlji čeka beskonačno, a nisu isključeni ni protesti ove populacije. Na transplantaciju se u BiH čeka beskonačno. Vidite ljudi rade prikupljanje novca, kao ni u jednoj državi.

Mi moramo urediti zakonsku regulativu, moramo urediti dio oko transplantacijskih koordinatora koji bi u slučajevima moždane smrti razgovarali sa porodicama. Prije svega, moramo usvojiti zakon o darivanju koji imaju i Hrvatska i druge zemlje Evrope. To bi bio dobar temelj za povećanje broja transplantacija, kazao je Tomislav Žuljević, predsjednik Udruženja dijaliziranih i transplantiranih bolesnika Federacije BiH. U Federaciji BiH 2.000 osoba je na dijalizi dok su liste čekanja za transplantaciju znatno



manje ili ih nema. Listi čekanja za transplantaciju je 200 osoba, a trebalo bi biti barem jedna trećina pacijenata koji su na dijalizi, znači od 800 do 900. I na tom planu se ne radi ništa da svi imaju istu šansu bez obzira odakle su, navodi Žuljević. Iz Udruženja ističu kako su uputili zahtjeve i za obnavljanje opreme za dijalizu u bolnicama jer i u tom segmentu situacija nije dobra. Pacijenti se žale i na filtere i na igle, a riječ je vrlo skupom načinu liječenja. Naveli su slučaj Nermine iz Ključa koja je 33 godine na dijalizi!

BUBA

SUPERMARKET · MARKETI · MESNICE



PC 96 Vitez; Željeznička stanica Vitez, Stjepana Radića Vitez;
Novi Travnik; Busovača, Kiseljak; Zenica; Žepče

Centrala tel.: 030/714-209

www.buba-commerce.com

[buba.commerce](https://www.facebook.com/buba.commerce)

*Svaki vikend
u Buba marketima
Vas očekuju
super akcijske
cijene mesa!*



MESO DOMAĆIH
FARMI
JURČEVIĆ
DOMAĆIN ODLIČNOG OKUSA



Povodom 19. rođendana poduzeća, Ecos vas časti popustom od fantastičnih 19% na SVE artikle iz programa vodomaterijala, kupaoničke opreme, keramičkih pločica, centralnog grijanja i kompletнog pratećeg materijala! Akcija vrijedi samo u maloprodajnom salonu u Vitezu, a traje od subote, 1.7. 2017. do ponedjeljka 10.7.2017. godine. Posjetite nas i uvjerite se zašto imamo najpovoljnije kupaonice i grijanje po mjeri vaše obitelji!

AKCIJA TRAJE OD 1.7 DO 10.7.




42783
Pločasti konvektor TESY 2000W
(45m³-60m³) IP24 CN03 200 MIS
Stara cijena: 132,00

107⁰⁰



34267
Ugradni komplet RIMFREE (sklopka visiца Rimfree, ugradni vodokotić BP BASIC 100 sa tipkom i držaći, dasak) (M33123,M3011,111,154,11) GEBERIT
Stara cijena: 550,00

445⁰⁰



43288
Radijator kupaonički LUX H1490
L400 bijeli
Stara cijena: 109,00

88⁰⁰



34600
Dual shower sistem Y 40
ROCCO DEDRA
Stara cijena: 176,70

143⁰⁰



42827
Radijator pločasti AIRFEL
by DAIKIN 22PKKP H300
L1400
Stara cijena: 98,30

23378
Tus kanalica sa nogicama
CONFUDO PREMIUM DRAIN
LINE 650 (1310004) PEŠTAN
Stara cijena: 133,40

108⁰⁰

54025
Klima uređaj inv FTX35KM/RX35KM 3,50/3,30
DAIKIN KW A+/A+ (top.pumpa zrak-zrak)
Stara cijena: 965,00



781⁰⁰



33271
Bide visorč bijeli KOLO NOVA
PRO pravokutni (M35103)
Stara cijena: 195,40

158⁰⁰



37094
Ormarč s umivaonikom 60 cm bijeli sjajni KOLO
NOVA PRO (M39006)
Stara cijena: 333,50

269⁰⁰



125⁰⁰

Radno vrijeme

(PONEDJELJAK - PETAK
08:00 - 19:00 sati
 SUBOTA
08:00 - 18:00 sati
NEDJELJOM NE RADIMO
✉ maloprodaja@ecos.ba
📞 +387 30 717 613

www.ecos.ba

19%

POPUST NA SVE

634⁰⁰



54013

Klima uređaj inverter VAI 2-025 WN - mono split VAILLANT (100930077-1) (top. pumpa zrak-zrak)

Stara cijena: 783,00

122⁰⁰



34637

Baterija usadna s 2 cijevi
jednoručna za sudoper
UNITIS INFINITY visoki
izljev (00174)

Stara cijena: 151,00

25⁶⁰



33853

Vodokomplet niskomontažni s izolacijom
bijeli CR (10305/04)

Stara cijena: 31,60

40788

Kotao na pelet PELLING 35 kW desni
THERMOFLUX

Stara cijena: 3900,00

3159⁰⁰



2707⁰⁰

40665

Kamin na pelet BiOlux 20kW RADIATOR

Stara cijena: 3342,00

31411

Kabina tuš s kadom 90x90x200 cm polukružna (prozirno staklo, krom profili) ROCCO ECO

Stara cijena: 375,60

299⁰⁰



39⁹⁰

33407

Školjka WC Simplon bijela KOLO Idol

Stara cijena: 49,80



2920⁰⁰



40668

Kotao na pelet
BiOlux UNI 20kW
RADIATOR

Stara cijena:
3605,00



ZAŠTITA VODOZAHVATA



Načelnik Ilijaša Akif Fazlić, u društvu svojih pomoćnika Merime Osmanović i Aziza Fazlića, predstavnika Komunalnog preduzeća "Vodostan" Seida Fazlića i Mehmeda Smajlovića iz mjesne zajednice Mrakovo, održao je sastanak sa načelnikom Breze Munibom Zaimovićem, pomoćnikom za privredu u općini Breza Salihom Hasanspahićem i direktorom Javnog preduzeća „Komunalno“ Mujom Muratovićem. Govoreno je o mogućnostima rješavanja problema otpadnih voda u mjesnoj zajednici Slivno, rješavanju problema kanalizacije iz Podgore prema Salkanovom Hanu i pitanju upravljanja vodotokom rijeke Misoče i Mahmutović Rijeke koja teče na teritoriji Ilijasa, Breze i Vareša.



UGOVORI ZA POSLOVNE IDEJE

U okviru Sajma privrede, općinski načelnik Suad Huskić potpisao je ugovore o poticajima u svrhu pokretanja vlastitih biznisa sa devet budućih poduzetnika - Harisom Smajlhodžićem (proizvodnja madrac, nadmadrac i drugo), Zinom Ahmićem (proizvodnja pčelinjih proizvoda), Mirnesom Huseljom (proizvodnja pločastog namještaja), Smailom Galijaševićem (elektroenergetsko projektovanje), Enisom Džananović (dizajniranje enterijera), Elmirom Kadušić (kreativno učenje stranih jezika, lektorisanje i slično), Harisom Čauševićem (proizvodnja tapaciranog namještaja), Amelom Maglićem (pakovanje ugostiteljskog šećera i drugih proizvoda)

i Miralemom Hadžanom (restauracija drvenog namještaja). Po strukturi ideja vidi se da je riječ o dosta proizvodnje i dosta inovativnih ideja - od proizvodnje madrac, tapaciranja namještaja do nekih poslovnih ideja koje su se odnose na edukaciju i razvoj. Broj prijava je puno veći nego ranijih godina, i iz godine u godinu prijave su kvalitetnije i sve je više novih ideja, kao i mladih ljudi koji se odlučuju da rade. Uostalom poruka Sajma, pa i ovog projekta je da se ljudima daje prilika u BiH da žive i zarađuju od svog rada, da kvalitetno provode svoje vrijeme i da doprinose ukupnom razvoju Bosne i Hercegovine, kazao je općinski načelnik Suad Huskić.

*Bajram Šerif
Mubarek Olsun*



Vlatka Lukić
predsjedavajuća
Općinskog vijeća Travnik





MS&WOOD DAJE I POSAO I STIPENDIJE

Proizvođač dizajniranog namještaja MS&WOOD sa pogonima u Fojnici objavio je poziv budućim srednjoškolcima sa teritorije ove općine da ukoliko se upišu i uspješno završe Srednju drvoprerađivačku školu u Fojnici, čeka ih siguran i dobro plaćen posao, ali i stipendije tokom školovanja. Tako će svih učenici pomenute škole u prvom razredu dobijati mjesečno 50 KM, u drugom 75 i trećem 100 KM. Učenici prvih razreda dobit će pet stipendija u ukupnom iznosu od 250 KM kako bi mogli kupiti knjige i pribor za školovanje, a ostatak će dobijati tokom

školovanja. Kompanija već nekoliko godina stipendira fojničke srednjoškolce. Na inicijativu MS&WOOD-a u Fojnici je najprije osnovana srednja tehnička škola za obradu drveta. Učenici su od prvog dana uključeni u proizvodne procese kroz praktičnu nastavu. MS&WOOD finansira odlaske učenika i studenta na sajmove namještaja i tehnologije širom Europe, a posljednja takva ekskurzija na ovogodišnji IMM u Kölnu sufinansirana je za studente Odsjeka za dizajn sarajevske Akademije likovnih umjetnosti.

UGOVOR O PRODAJI ZEMLJIŠTA U IZ „POLJA“



U uredu općinskog načelnika, potpisani je ugovor o prodaji građevinskog zemljišta, u industrijskoj zoni „Polja“, između Općine Žepče i firme Fine Life Group d.o.o. Ugovor su potpisali Mato Zovko, načelnik općine Žepče i Ernada Mujić, vlasnica firme. Riječ je o parceli površine 6.815,00 m² na kojoj će se izgraditi proizvodno-administrativni objekt površine cca 3.000,00 m², za izradu i proizvodnju modne odjeće za inozemno tržište. Ovo će biti treći objekt koji će se početi graditi, u ovoj godini, u industrijskoj zoni „Polja“.



*Bajram Šerif
Mubarek Olsun*

Admir Hadžiemrić

načelnik Općine Travnik

IZLOŽBA MUHAMEDA TUNOVIĆA BADIJA



Moje Pozorište - Moja Fabrika, naziv je izložbe Muhameda Badija Tunovića, fotoreportera Oslobođenja, koja je bila upriličena u sklopu XVI Festivala bosanskohercegovačke drame opdržanom nedavno u Bosanskom narodnom pozorištu Zenica. Izložbu koja je posvećena sanaciji fasade zgrade teatra otvorio je Nedžad Fejzić. Nakon izložbe na Velikoj sceni BNP-a održana je premijera filma "Moje Pozorište - Moja Fabrika" autora Dade Ruvića. - Riječ je o izložbi koja nema nikakve velike umjetničke namjere, ovo je izložba koja je, prije svega, dokumentarističke naravi. A pošto je naš Badi i sjajan fotograf, iz te dokumentaristike izade i ovakva izložba, kazao je Nedžad Fejzić. Tunović radi kao fotoreporter 19 godina, a objektivom fotoaparata zabilježio je sve važnije događaje u Zenici. Osim što je fotoreporter najstarijeg bh. dnevnika Oslobođenje, stalni je saradnik i BNP-a Zenica. Do sada je imao pet samostalnih i nekoliko kolektivnih izložbi.

36. POZORIŠNE/ KAZALIŠNE IGRE BIH U JAJCU



U zvaničnoj selekciji 36. Pozorišnih/Kazališnih igara BiH, koje će biti održane od 1. do 9. jula/srpnja biće izvedeno sedam predstava. Cеремонија свећаног отварање и прва предстava održat će se u Muzeju AVNOJ-a u 19 sati. S obzirom da se radi o predstavi kamernog tipa bit će ograničen broj gledalaca na 200. Selektor 36. Pozorišnih/Kazališnih igara BiH je Almir Bašović. A ključeve grada Jajca ove godine će dobiti dojen bh. glumišta Dragan Jovičić.

ESMEDINA LUKOVIĆ, NOVA MISS SREDNJE BOSNE

Esmedina Luković proglašena je za Miss srednje Bosne na takmičenju koje je održano u Hotelu Central u Vitezu. Prva pratića je Iris Šiljak, dok je titulu druge pratiće ponijela Emina Delić. Miss fotogeničnosti je Sarah Karšić, a Miss ABC Models je Žanin Pavlović. Sve one stekle su pravo nastupa na završnom kastingu za Miss Federacije BiH. Cvijeće i letnate uručili su Elmedina Jašarević, prošlogodišnja Miss srednje Bosne i Duško Rujević, predstavnik organizatora takmičenja, Direkcije Miss BiH za Miss Svijeta. Živim u Zenici i studiram na Medicinskom fakultetu Zenici. Visoka sam 174 cm, a teska 54 kg. Od malih nogu se bavim manekenstvom. Ovaj posao mi je prvo bitno velika ljubav i hobi, a zatim



zarada. Bila sam učesnica izbora za Miss SBK 2017. godinu gdje sam i dobila titulu za Miss na što sam veoma ponošna. I ova titula mi je dala samo još više podsticaja za moj dalji rad i u samom stvaranju moje karijere, kazala je Esmedina.

PREDSTAVA O KRALJICI KATARINI KOTROMANIĆ ODUŠEVILA TRAVNIČANE

Studenti sa Franjevačke teologije iz Sarajeva pred prepunom dvoranom Centra za kulturu općine Travnik izveli su predstavu "Kraljica Bosne", dramu o posljednjoj bosanskoj kraljici Katarini Kotromanić. Predstava „Kraljica Bosne“ priča je koja na vrlo emotivan način govori o padu srednjovjekovnog Bosanskog kraljevstva. Centralni lik ove priče svakako je posljednja kraljica Bosne Katarina Kotromanić. Ona je tragičan lik žene koja je izgubila muža, izgubila domovinu i djecu svoju. Ali kraljica Katarina nikad nije izgubila gorljivu ljubav za svoju domovinu



Bosnu i svoj narod. Režiju potpisuje Anela Kržanac koja glumi i glavnu ulogu.

POSJETA BNP ZENICA

U Bosanskom narodnom pozorištu Zenica, upriličen je svečani prijem za predstavnike Ministarstva kulture Narodne Republike Kine. Gosti iz Kine imali priliku uživati u cijelodnevnom umjetničkom programu u okviru kojeg su pogledali pregled sadržaja u produkciji umjetničkih organizacija iz Zenice. Pored bogatog umjetničkog sadržaja, delagaciju Ministarstva kulture NR Kine kratko je ugostio i gradonačelnik Grada Zenice, koji je izrazio osobito zadovoljstvo zbog posjete i prijema u svom kabinetu. U povodu ove posjete Pan Yan, predstavnica Ministarstva kulture NR Kine je izjavila da je još od 2013.

godine strateška politika Ministarstva kulture Narodne Republike Kine je gradnja jačih relacija sa 16 zemljama Centralne i Istočne Evrope te da je BiH posljednja zemlja koju su posjetili ove godine, nakon posjete Bugarskoj, Makedoniji i Crnoj Gori. Značajna zasluga za realizaciju ove profesionalne posjete pripada i BNP Zenica koje se zahvaljujući svojim profesionalnim kontaktima i ostvarenim reitingom na međunarodnoj umjetničkoj sceni izborilo da ova teatarska organizacija bude jedna od destinacija ovoj delegaciji kulturnih djelatnika.

ZENIČKI MUZEJ ZA PRIMJER DRUGIMA

Historija školstva na području grada Zenice u periodu 1990-2015, naziv je stručno-istraživačkog rada pripavnice/ historičarke Muzeja grada Zenice Rie Jurić kojeg je uradila pod mentorskim vođenjem mujejskog pedagoga Lejle Agić. On ujedno predstavlja potencijalnu publikaciju čija je ideja zahtjevala sistematični, sveobuhvatni, mukotrpi rad a riječ je ovećem vremenskom periodu iako je riječ o skorijem vremenu. Obuhvatio je sve gradске i prigradske osnovne i srednje škole, od čega su 23 osnovne i 11 srednje, odnosno ukupno 34 škole. Na području BiH mnogo se pisalo o historiji školstva, najviše se zahvatao period 19. i 20. stoljeća kao predmet šireg studija. Spomen školstva grada Zenice bio je veoma rijedak. Unazad nekoliko godina pojavili su se izdanja

poput rukopisa M. Čajlaković – Školstvo u Zenici i njenoj okolini u periodu od 1878. do 1941. godine (2011). i magistarskog rada A. Huseinspahić – Razvoj školstva u Zenici od 1945. do 1960. godine (2010). Ono što nedostaje, a izimno je važno, da se evidentiraju i sistematski/ hronološko-historijski obrade sve promjene unutar obrazovanja, školstva i pedagoško-didaktičke prakse. Drugo, da se stavi jedan cijelovit pregled promjena u nastavnom planu i programu, uvođenje devetogodišnjog obrazovanje, kao i novih edukacijskih praksa od Step by Step, Montessori koncepta za osnovnoškolsko obrazovanje do uvođenja EU VET-a u srednjim stručnim školama programa za sticanje zanimanja prema evropskim standardima. Glavni aspekt do sada na čemu se dosta radilo jeste prikupljanje i obrada primarnih i sekundarnih izvora



kojim smo došli putem kontaktiranja mnogih obrazovnih ustanova (u prvom redu Ministarstva za obrazovanje, nauke, kulture i sporta, zatim Pedagoškog zavoda, Arhiva u Travniku, Gradske i naše Muzejske biblioteke, kao i škola koje su uključene u projekat). Glavni izvori su zakonski akti i Ljetopisi škole koji predstavljaju jedinstveni izvori informacija. Od Ministarstva za obrazovanje, nauke, kulture i sporta smo dobili Akt podrške realizacije ovog projekata, koji su prepoznali jedan ovako važan historijski, kulturni i obrazovni značaj za lokalni karakter zajednice i društva uopće.

Ovakvo historijsko istraživanje je dosta širok osvrt na značajne promjene koji su odraz kako globalnih tako i promjena koje su obilježile državno-političke, ekonomske i kulturne prilike naše zemlje od raspada

bivše Jugoslavije sve do suvremenog vremena. - Kako se ostavlja vremenski prostor od zadnjeg istraživanja ove oblasti, naš projekat će djelimično prikazati razvoj školstva i obrazovno-odgojne politike u periodu od 1945. (1960.) do 1990. godine. Dalje, pokazati će politički kontekst obrazovanja u državi, a kroz nje i grada Zenici, od 1990. sve do 2015., odnosno pratiti će razvoj školstva od stvaranja Republike Bosne i Hercegovine, Dejtonskog sporazuma, Ustava, prvih Zakona o školstvu i njegovih izmjena i dopuna, i drugo. Na kraju, dati će se pojedinačni historijat škola kao i kako su se snašle s promjenama u nastavnom planu i programu i edukacionim praksama, kazala je Ria Jurić. Ovaj projekat će biti okosnica njenog budućeg rada za stručni ispit za kustusa pri završetku pripravničkog rada u Muzeju grada Zenice.

GLUHA SVADBA POBJEDNICA 18. TEATAR FESTA DOBOJ 2017.



Posljednjeg dana 18. teatar festa Doboј 2017, dodijeljene su nagrade i proglašeni pobjednici ovog Festivala. Predstava „Gluha svadba“ Bosanskog narodnog pozoršta Zenica nastala u režiji Lajle Kaikčije je proglašena pobjednicom Teatar festa, kao najbolja predstava u cjelini, a glumica Lana Delić je osvojila specijalnu nagradu za glumačku igru u ovoj predstavi. Ovaj pozorišni komad bavi se sudbinom čovjeka na čija se pleća gomilaju silni problemi, ali on, uprkos svemu, traga za slobodom, srećom i ljubavi. Predstava govori o slobodi, ljubavi i sreći koja zbog totalitarnog režima "običnom" čovjeku postaje nedostizna. Priča je i o svakodnevnom životu, ali je predstavljena kroz crni humor koji ukazuje ljudima da su snažni i da se mogu braniti od slabosti društva. U predstavi nastupa veći broj pozorišnog ansambla, ansambl Djeciće scene, te grupa muzičara. U predstavi igraju Selma Mehanović, Nusmir Muharemović, Muhamed Bahonjić, Milenko Iliktarević, Faketa Salihbegović-Avdagić, Uranela Agić-Burina, Lana Delić, Saša Handžić, Sabina Kulenović, Enes Salković, Ištvan Gabor, Miroljub Mijatović, Adis Mehanović, Zlatan Školjić, Staša Dukić, Igda Jarić/Lamija Prguda, Edin Begović, Almir Pekmez, Zanin Berbić. Značajan doprinos u realizaciji ovog teatarskog djela dao je i belgijski koreograf Thomas Steyert, a scenografija i kostimografija bila je povjerena Sabini Trnki. Izbor muzike uradio je Igor Kasapović.

VRATILI SE ZENIČKI DRUGARI



Nakon desetogodišnje pauze u Zenici je održana reaktivirajuća sjednica Skupštine malonogometnog kluba Drugari. Godine 2007., nakon osvajanja Kupa BiH, tadašnje rukovodstvo kluba je donijelo odluku o privremenom prestanku djelovanja. Deset godina kasnije ponovo se okupila grupa ljudi koji žele reaktivirati rad kluba. Na izbornoj sjednici Skupštine izabrano je novo rukovodstvo, a za Predsjednika Upravnog odbora izabran je Damir Bradarac. - Ovo je jako pozitivna stvar. Sami vidite kroz sastav Upravnog odbora da je ovo želja mnogih ljudi, a ne samo moja, kazao je Bradarac. Direktor kluba Himzo Halač je istakao da su zadaci kao i prije, a to je napraviti ciklus od četiri godine, selektirati kvalitetne igrače i za četiri godine početi praviti dobre rezultate. - Nama je ostalo da završimo ove administrativne poslove u narednih mjesec dana, a za 40-ak dana bi trebali registrirati igrače i prijaviti se u nogometni savez ZE-DO kantona i krenuti u takmičenje iz Druge federalne lige, objasnio je Halač. Prije desetak godina kada su prestali sa radom Drugari su bili najpopularniji malonogometni klub u Zenici i nema sumnje da je mnogo onih koji su se obradovali ponovnom aktiviranju Drugara.



BLOCK OUT

Prije nekoliko mjeseci u Zenici je sa radom počela odbojkaša akademija Block out. Idejni tvorci ovog projekta su dugogodišnji odbojkaški radnik Zoran Mihajlović i Haris Hasanica. Centralna akademija je u Ekonomskoj školi, a za kratko vrijeme osnovali su sekcije u Peharama, Tetovu i Stranjanima. Za kratko vrijeme kod najmladih su razvili veliki interes za odbojkom i svakim danom akademija Block out je sve brojnija. Pored ekipnih treninga, ljudi koji vode ovu akademiju su orijentisani i na individualne treninge što je svakako jedna od novina u našoj državi. Trener Zoran Mihajlović kaže da djeca od sedam godina pa do završetka osnovne škole nemaju baš puno sadržaja i ne ma živog kontakta, te su se oni odlučili mališanima pružiti alternativu. U akademiji rade sa U11, U13 i U15 kategorijama, te pružaju mogućnost individualnih treninga. - Mi smo krenuli sa promocijom po školama i pokazalo se to kao pun pogodak. Roditelji žele da se njihova djeca druže, živi kontakt je najbitniji i pored toga djeca se igraju i zabavljaju, kaže trener Zoran Mihajlović. Naš sagovornik ističe da trenutno

pripremaju ekipu za mini odbojku koja je u svijetu izuzetno popularna. - Tokom ljeta organizovat ćemo turnire na Kamberovića polju, te zeničkom bazenu. Također, u saradanju sa drugim akademijama učestvovat ćemo na nekim turnirima izvan Zenice. Želimo da se djeca druže, zabave, i da im bude ugodno kod nas, veli Mihajlović. Ambicije su da se u dogledno vrijeme formiraju muške i ženske ekipe i da se uključe u adekvatne rangove takmičenja. Jedna od djevojčica koja već mjesec dana radi individualne treninge je i Majra Hasanica. Individualni trening sadrži profesionalni pristup i vježbe koje moj trener priprema za svaki trening. Jako sam zadovoljna svojim napretkom od kako treniram individualnomsa trenerom Mihajlovićem, objašnjava Majra. Anvar Šišić, Merjem Kubat i Sajra Kubat su mladi polaznici od nekoliko desetina članova ove akademije. Složni su u ocjeni da se dobro zabavljaju, druže, ali i da su i puno toga naučili kada je odbojka u pitanju u ova tri mjeseca kako treniraju odbojku. Pored trenera Zorana Mihajlovića kao treneri – asistenti u akademiji Block out rade i Erna Kubat i Irma Glibo.

BRONZA ZA SRK BOSNA

Članovi Sportsko-rekreativnog kluba Bosna iz Zenice nastupili su nedavno na Memorijalnom kupu "Branka Štulić" na Vrbanu posvećenom članici RK Kanjon, koja je nastrandala 2010. godine tokom Evropskog prvenstva u Italiji. Ove godine Memorijal se bodovao i za Svjetski i za Eurocup, a rafteri iz Zenice u jakoj konkurenciji, uz učešće 11 timova iz Japana, Slovenije, Hrvatske, Bugarske, Srbije i BiH, u disciplini sprint osvojili su bronzanu medalju. Zlato je pripalo timu



RC Teikei iz Japana, dok je srebro otislo Nektar Dajak klubu iz Banje Luke.



ATLETIKA

U posljednjih nekoliko dana u Zenici su održana dva izuzetno značajna atletska takmičenja. Prvo je održan međunarodni atletski miting, a par dana kasnije i pojedincano Prvenstvo BiH. Na ova dva takmičenja atletičari iz Zenice su još jednom potvrdili da su spremni za velike domete. Nakon nešto duže pauze na mitingu je na stazu istračao i naš najbolji atletičar Amel Tuka. On je u utrci na 800 metara bio ubjedljiv, ali nije uspio u nakani da obori rekord mitinga. Gledaoci su sa velikom pažnjom pratili duel u bacanju kugle za muškarce, a iako nije pobjedio Hamza Alić je još jednom podigao Zenicu na noge jer je hicem od 20,82 metra ispunio normu za Svjetskom prvenstvu u Londonu koje se održava ove godine. Dejan Mileusnić je pobjedio u bacanju kopljia, te je ispunio normu za Evropsko prvenstvo, a za Svjetsko prvenstvo

nedostajao mu je manje od tri metra. Nekoliko dana kasnije na pojedinačnom Prvenstvu države manje više potvrđeni su ovi rezultati atletičara koji su nastupili. - Ovo je sezona koja je za mene rezultatski počela u ekstra stilu. Sobzirom da sam napravio rezultat i ispunio normu za London to je izuzetno obećavajuće za mene i daje mi posebnu snagu, kazao je Hamza Alić. - Malo kasnije sam počeo sa sezonom zbog povrede. Nismo htjeli ništa preskakati i želimo se kvaliteno pripremiti za London. Ima još dosta vremena i u narednim utrkama želim biti što bolji i ići što brže kako bih u Londonu bio najbolji i pokušao ponovo napraviti dobar rezultat, rekao je Amel Tuka. Na Svjetskom prvenstvu u Londonu ovog avgusta pored ove dvojice atletičara nastupi će i drugi bacač kugle Mesud Pezer.

TUKA NAJBOLJI ATLETIČAR BIH U 2016.

Prije državnog prvenstva za seniore koje je održano u Zenici, dodijeljena su priznanja najboljim atletičarima i sportskim radnicima u 2016. godini. Amel Tuka proglašen je najboljim atletičarem, a Mladen Petrušić najboljom atletičarkom u prošloj godini. Za najbolji klub u konkurenciji atletičarki proglašen je AK Borac iz Banja Luke, a kod atletičara AK Zenica. Priznanja su uručena u još pet kategorija. Najbolji junior i juniorka su Stefan Cuković (AK Slavija – Istočno Sarajevo) i Nikolija Stanivuković (AK Borac), najbolji mlađi junior i juniorka – Nermin Štitkovac (AK Sarajevo) i Mediha Salkić (AK Doboj Istok), dok je najbolji trener Giovanni Ghidini. Specijalna priznanja za ostvarene norme i plasmane na međunarodnim takmičenjima u 2016. godini dobili su Hamza Alić, Kemal Mešić,



Mesud Pezer i Lucija Kimani (Olimpijske igre), Gorana Cvjetić i Tanja Marković (Prvenstvo malih zemalja Europe), Dejan Mileusnić, Rusmir Malkočević i Osman Junuzović (Prvenstvo Balkana za seniore) te Belmin Mrkanović (Prvenstvo Balkana za juniore). Svim atletičarima i atletičarkama, koji su postavili nove državne rekorde na otvorenom i u dvorani u 2016. godini, dodijeljene su posebne diplome.

SREBRENA MEDALJA ZA ORHANA POJSKIĆA



Orhan Pojskić, član Karate kluba Zenica na nedavno održanom Balkanskom prvenstvu u tradicionalnom karateu u Beogradu, osvojio je srebrenu medalju u juniorskoj konkurenciji. Za mladog zeničkog karatistu, nosioca smeđeg pojasa koji trenira karate od šeste godine, srebrena medalja sa Balkanijade je veliki podstrek za dalje napredovanje. - Karate treniram od kada sam krenuo u školu, od šeste godine. U mojoj kategoriji juniora bila je jaka konkurenca na Balkanijadi, koja je održana u glavnom gradu Srbije Beogradu. Bilo je 20 takmičara. Radio sam četiri borbe do finala. U finalu sam imao pobjedu u svojim rukama, ali sam je prokockao. Osvojio sam tako srebrenu medalju, kazao je Pojskić. U planu mu je, veli, da preko ljeta položi za majstorski - crni pojaz. Moguće je da ide na takmičenje svjetskog nivoa u Cliju u Rumuniji, a o tome će se donijeti odluka nakon razgovora sa selektorom juniorske reprezentacije naše zemlje. Mirza Kovač, trener Karate kluba Zenica, objasnio je da je selektor pozvao dva člana ovog kluba na Balkanijadu. Amna Hasičić nije htjela da nastupi, a Pojskić je osvojio drugo mjesto. - Za ovo takmičenje nam je Savez izašao ususret zbog toga što naši takmičari redovno nastupaju za reprezentaciju i ostvaruju dobre rezultate i odlučio je da plati troškove jednom našem takmičaru. Inače, za nastupe na takmičenjima u inostranstvu se snalazimo, objasnio je Mirza Kovač.

JUNIORKE ČELIKA NA FINAL FOURU



Nakon završetka Prvenstva BiH za seniorke, juniorke košarkaškog ženskog kluba Čelik nastavile su takmičenje u Ligi mlađih BIH. Kvalitetan rad koji su imale tokom cijele sezone daje rezultate jer su juniorke Čelika par kola prije kraja regularnog dijela sezone obezbjeđile učešće na završnom turniru četiri najbolje ekipe. Final four će se prema najavama održati u Sarajevu 24. i 25. juna, a najozbiljniji konkurentir Čeliku bit će Jedinstvo iz Tuzle i Mladi Krajišnik iz Banja Luke. Seniorska ekipa Čelika je izborila finale Kup-a i finale doigravanja za prvaka, te su se ove sezone okitili sa dvije titule viceprvaka.

ENSAR KOŽO



Ensar Kožo koji je početkom juna napuni 18 godina, talentovani je kikbokser iz Zenice, član Kluba borilačkih vještina Isak – Ze. Osim što je prvak naše zemlje u juniorskoj kategoriji, a proglašen je nedavno za najboljeg juniora Balkanskog kupa. Kožo je zabilježio deset pobjeda zaredom ove godine. Na međunarodnom kupu u Sarajevu je proglašen za najboljeg ljuniora, kao i na državnom prvenstvu u Bihaću.



ADRIATIC BASKETBALL CAMP 2017

Načelnik Općine Travnik Admir Hadžiemrić svečano je otvorio košarkaški kamp na Vlašiću pod nazivom „Adriatic Basketball Camp 2017“. „Adriatic Basketball Camp 2017“ je prvi kamp internacionalnog tipa koji je održan na planini Vlašić u dvije smjene na kojem su učestvovali mlađi košarkaši i košarkašice u dobi od deset do 15 godina. Organizator je bio Asim Pars, bivši košarkaški reprezentativac Turske. Kamp je organizovan u dvije smjene od

12. do 18. juna te od 18. do 24. juna. Asim Pars je istakao da je kamp u ovom prvom izdanju otvoren isključivo za igrače iz BiH, te da u narednim godinama očekuje goste i iz drugih zemalja. Načelnik Hadžiemrić je na otvorenju kampa pozdravio sve prisutne, zaželio im ugodan boravak na području općine Travnik, te kazao kako se nada da će kamp postati centar okupljanja mlađih iz čitavog regiona i ostatka svijeta.

KOŠARKAŠKI KAMP U ZENICI



U organizaciji Almira Šišića - Batka, košarkaškog trenera koji radi u Americiju srednjoškolskoj ekipi St. Marry's New York, u Gradskoj areni "Husejin Smajlović" u Zenici od 14. do 16. jula održaće se Košarkaški kamp vještina, znanja i specifičnih sposobnosti za djevojčice i dječake. Cilj je unapređivanje tih segmenata u košarkaškoj igri. Odnosi se na uzrast djece osnovnog i srednjeg obrazovanja. To će biti nešto jedinstveno, prvi kamp na ovakav način u Zenici, kazao nam je Šišić koji želi pokloniti svom gradu jedan kamp koji bi trebao se svake godine održati u ljetne mjesecе. Svi zainteresovani mogu se prijaviti na upit putem e-mail adrese opportunitybasketballcamp@

yahoo.com ili direktno u Gradskoj areni da preuzmu aplikaciju, popune je i pošalju je na istoimenu e-mail adresu. Broj učesnika nije ograničen, a čak je poželjno i prisustvo roditelja. Neće biti, veli, samo šturi treninzi, nego i zanimljive i interesantne priče iz njegovog vlastitog ali i iskustva njegovih kolega sa kojima je radio u Americi, vrhunskih trenera. U radu sa djecom će mu pomoći neki od uspješnih igrača i trenera koji su ostavili traga u gradu Zenici. Ispred ženske košarke tu je Amra Mehmedić, nekadašnja reprezentativka BiH u košarci koja je sarađivala sa Batkom, a školovala se u Americi i igrala tamo. S muške strane tu je doktor košarke Behudin Bajgorić.



PRAZNIK PLESA U ZENICI

Zenica i klub plesa Shadows su u Areni bili domaćini praznika plesa. Održana su četiri plesna takmičenja: bodovni turnir za Latino i standardne plesove sa međunarodnim učešćem, takmičenje školske lige i solo plesa, Trofej grada Zenice za moderne plesove i Državno prvenstvo BiH za Latinameričke plesove koje je bilo i izborno jer su dva prvoplasirana plesna para iz kategorija Juniori 2 - Youth i Amateri, time stekli pravo da predstavljaju državu na Svjetskom prvenstvu ali i na Evropskom prvenstvu za 2017. godinu. Klub plesa

Shadows kao domaćin je prezadovoljan sa odzivom klubova i takmičara jer je taj dan ukupno preko 650 plesača izšlo na plesni podijum Arene. Također smo zadovoljni i odzivom publike jer je cijeli dan dvorana bila poprilično posjećena sa gostima koji su imali šta da vide. Najuspješniji klubovi na Državnom prvenstvu BiH za Latinoameričke plesove bili su Astorija-Sarajevo, Shadows-Zenica, Ritam - Srbac i Sandoval - Tuzla, kaže Semir Šerić, prvi čovjek zeničkih sjenki. U kategoriji pioniri 1 prvo mjesto zauzeli su Amer Cikarić i Sarah

Duman - Sandoval a drugoplasirani su bili Sven Sitić i Ema Šarić Ema - Shadows, kod pionira 2 prvoplasirani su Anes Taljanović i Lamija Solo Lamija-Astorija, a drugoplasirani njihove klupske kolege Adrijan Mišić i Sajra Delić. Kod juniora 1 prvoplasirani su Damir Kubat i Uma Pecar - Astorija, drugoplasirani Abaz Babić i Džana Mehmedović Astorija, a trećeplasirani Damir Nadarević i Luna Damjanović - Shadows. Kod juniora 2 prvoplasirani su Almin Omerdić i Iman Ramadan - Shadows, drugoplasirani Midhat Drino i Berina Omerhodžić - Astorija, a trećeplasirani Feđa Mahmutović i Ema Krajnović - Shadows. U kategoriji youth prvo mjesto pripalo je paru Živojin Suvajac i Isidora Cvjetić - Ritam Srbac, drugo mjesto paru Mirza Bašić i Lejla Šaćić - Astorija, a treće mjesto paru Danilo Vujasinović i Kristina Kalinić - Habanera Banja Luka. Kod amatera prvoplasirani su Svetislav Savanović i Mia Milanković - Ritam Srbac a drugoplasirani Deni Alić i Minea Brekalo - Romantik Sarajevo. Za trofej grada Zenice u modernim plesovima najuspješniji su bili LDF - centar, Mo stars - Mostar, Just Dance Sarajevo, DDC - Sarajevo i Shadows Zenica. Domaćin takmičenja klub plesa Shadows ostvario je do sada najbolji rezultat kluba jer smo taj dan osvojili 13 prvih i deset drugih mesta.

OBILJEŽAVANJE 26.06. MEĐUNARODNOG DANA BORBE PROTIV DROGA

Zlouporaba droga jedan je od vodećih javnozdravstvenih problema u svijetu. Za populaciju mladih predstavlja najveći uzrok smrtnosti u razvijenim i zemljama u razvoju donoseći brojne posljedice poput nezgoda, poremećaja mentalnog zdravlja, kardiovaskularnih i respiratornih bolesti te drugih zdravstvenih i socijalnih problema, poput nezaposlenosti, beskućništva, kriminala, nasilja i smrti. Posebnu opasnost predstavljaju zarazne bolesti hepatitis C i B, HIV, tuberkuloza i druge.

Kao izraz svoje odlučnosti u jačanju djelovanja i saradnje u izgradnji društva bez droga, 1987. godine Generalna skupština Ujedinjenih naroda proglašila 26. juni "Međunarodnim danom borbe protiv zlouporabe droga i nezakonitog prometa drogama".

Kao i svake godine JZU Zavod za bolesti ovisnosti vrši niz preventivnih aktivnosti u cilju upoznavanja javnosti sa ovim problemom. Obilježavanjem

ovog datuma nastoji se upozoriti na štetnost zlouporabe droga i njezinu povezanost s kriminalitetom, ukazati na zdrave životne izvore te istaknuti vrijednost saradnje različitih organizacija u prevenciji i suzbijanju zlouporabe opojnih droga.

Aktivnosti koje su predviđene za ovu godinu su:

- 16. juni posejta čalnova Stručnog tima Zavoda Olovu, te će se tom prilikom na ulicama dijeliti propagandni materijal i odgovarati na pitanja stanovnika;
- 19. juni posjeta Kaknju i Visokom;
- 21. juni posjeta Brezi i Varešu;
- 22. juni posjeta Doboj – Jug, Maglaju, Tešnju i Usori;
- 23. juni posjeta Žepču i Zavidovićima;
- 24. juni posjeta Zenici (TC Džananović).

Za naše najmlađe su pripremljene balonu, a odrasli će dobiti brošure, hemijske olovke... Sav materijal će biti postavljeni i na: www.zedo-ovisnosti.ba

**BAJRAM
ŠERIF
MUBAREK
OLSUN**

JP "PARKING SERVIS"
d.o.o. Zenica

Zaricina 23, 72000 Zenica
Tel/fax: +387 32 406 527
jpparkingservis@gmail.com

Superinfo

Dijelimo u
23 Općine
u tiražu od
20.000
besplatnih
primjeraka



Poštovani, za oglašavanje u Superinfo ili za neki drugi vid poslovne suradnje, kontaktirajte nas na: +387 63 046 939; +387 63 046 959; viterapriprema@gmail.com; www.vitera.ba

info@superinfo.ba
www.superinfo.ba



ODABRANI ORIGINALNI
REZERVNI DIJELOVI

DO **30%** JEFTINIJE

PONUDA VAŽI DO 31. 8. 2017

CITROËN preporučuje TOTAL

citroen.ba

Ponuda važi kod ovlaštenih servisera Citroën. Slika je simbolična.

OVNAK d.o.o. Vitez • AUTOCENTAR OVNAK
Poslovni centar PC96, 72250 Vitez • Tel.: 030 717 106 • Fax: 030 717 107 • autocentar@ovnak.com

Svjetski dan zaštite okoliša 2017.godine

POVEZANOST LJUDI SA PRIRODOM

Povodom obilježavanja Svjetskog dana zaštite okoliša dana 05.06.2017 godine, u Hotelu Zenica održao se seminar na temu "ČOVJEK I PRIRODA – Misija i praksa" kojeg je organizovala Služba za zdravstvenu ekologiju i higijenu Instituta za zdravlje i sigurnost hrane Zenica u sklopu zdravstveno promotivnih aktivnosti. Svjetski dan zaštite okoliša je dan koji se obilježava u cijelom svijetu kroz razne aktivnosti i kampanje, s ciljem da se skrene pažnja javnosti na brojne ekološke probleme i potrebu očuvanja životne sredine. Tema ovogodišnje kampanje je „Povezanost ljudi s prirodom”, a glavni



 INSTITUT ZA ZDRAVLJE
I SIGURNOST HRANE

Fra Ivana Jukića 2, 72 000 Zenica, Bosna i Hercegovina
tel: 38732 448-001, www.inz.ba

Dokazano je da boravak u prirodi pruža niz pozitivnih zdravstvenih pogodnosti:

- utječe na mentalno zdravlje, smanjenje anksioznosti i depresije
- jačanje samopouzdanja
- povećanje tjelesne vitalnosti
- sniženje krvnog tlaka,
- u borbi protiv bolesti
- štiti vid
- poboljšava kvalitetu sna
- poboljšanje kognitivne sposobnosti djece sa poremećajem pomanjkanja pažnje.

Povezivanje s prirodom svakog dana u trajanju od bar 10 minuta, može biti sve što je potrebno kako bi revolucionarno promijenili način na koji živimo svoj život i osigurali zdraviju budućnost.

Zato zaštitimo prirodu i njezine izvore tako da:

- ◊ čuvamo ozonski sloj
- ◊ čuvamo bioraznolikost
- ◊ čuvamo čistoću voda
- ◊ smanjimo količinu otpada koju stvaramo, reciklirajmo zajedno.



SVJETSKI DAN ZAŠTITE OKOLIŠA

Povezanost ljudi sa prirodom

05.juni 2017.

domaćin je Kanada.

Ovogodišnja tema poziva na razmišljanje ljudi o njihovo ulozi u prirodi, prisnoj zavisnosti od nje, te izaziva na osmišljavanje načina da iskusi i cijeni tu suštinsku povezanost.

Također nas poziva da izđemo u prirodu, divimo se njezinim ljepotama i važnosti te poduzmemo različite akcije kako bi zaštitili našu planetu Zemlju povezujući se s prirodom. Činjenica je da darove prirode često uzimamo zdravo za gotovo, razmišljajući o njima tek kada postanu nedostupni ili rijetki. Nestankom biljnih i životinjskih vrsta trajno se umanjuje

biološka raznolikost i stabilnost, odnosno održivost ekosistema čije posljedice na kraju osjeća i sam čovjek kao dio sveukupne bioraznolikosti.

Ljudi koji žive u ruralnim područjima su mnogo svjesniji svoje ovisnosti o prirodi – izvorima vode, plodnom tlu i ostalim dobrobitima kojima nam priroda omogućuje život. Svatko od nas može svojim ponašanjem doprinijeti očuvanju okoliša i prirode – i najmanja stvar koju sami napravimo u zajednici s ostatim ljudima znači mnogo. Kao razumna bića to smo dužni učiniti zbog sebe i svojih bližnjih te generacija koji dolaze.

Čuvajmo ozonski sloj - pazimo kod upotrebe gasova koji ga oštećuju i dovode do globalnog zagrijavanja i klimatskih promjena.

- ◊ Koristimo sredstva za čišćenje bez tvari koje oštećuju ozonski sloj
- ◊ Stare električne i elektroničke uređaje kao hladnjake i klima uređaje odlažimo na predviđena odlagališta.

Čuvajmo bioraznolikost - raznolikost ekosistema i životinjskih zajednica održava prirodnu ravnotežu.

- ◊ Budimo pažljivi da ne ugrozimo biljne i životinjske vrste
- ◊ Pazimo da u ekosisteme ne unesemo vrste u kojima ih prije nije bilo.

Zemlja i tlo imaju presudan značaj u našim životima - hrane nas svojom plodnošću, a ostatim svojstvima čuvaju bioraznolikost.

- ◊ Pazimo da ih ne zakiselujemo neprimjerrenom upotreborom gnojiva i uništavanjem šuma
- ◊ Pazimo da ih ne zagađujemo toksičnim sastojcima teških metala i pesticida.

Čuvajmo čistoću voda: mora, jezera, rijeka i potoka.

- ◊ Ne bacajmo otpad u njih i očistimo obale.

Smanjimo količinu otpada koji stvaramo i osigurajmo da se on ponovno upotrijebi.

- ◊ Kupujmo proizvode s manje ambalaže
- ◊ Otpadnu ambalažu sortirajmo.

Urbani zeleni prostori su ključno oružje u borbi protiv pretilnosti.

Stvaranje više parkova i vrtova u gradovima poboljšava javno zdravstvo.

Zdravlje i okoliš u Evropi:

- ◊ **1,4 miliona smrти** u evropskom regionu SZO je uzrokovan rizicima u okolišu, a to iznosi 15 % svih smrти u Evropi.
- ◊ Oko polovine tih smrти je zbog zagađenja zraka i u objektima i napolju.
- ◊ U Evropi, faktori rizika u okolišu su odgovorni za :
 - » **26% ishemijskih bolesti srca,**
 - » **25% udara,**
 - » **17% karcinoma.**
- ◊ Sve zajedno, građani Evrope godišnje gube **50 miliona godina** zdravog života zbog rizika u okolišu.

Melita Lelić, BA

Samostalni referent za higijenu i zdravstvenu ekologiju
Institut za zdravlje i sigurnost hrane Zenica



Kako napraviti vrt na terasi

Postoje brojne mogućnosti koje će vam pomoći napraviti vrt na terasi. Sve je u ideji, ali isto tako i odabiru određenih biljki, odnosno radi li se o uzgoju ljekovitog voća ili bilja ili uzgoju samo ukrasnog bilja. Prije nego što se krene u realizaciju ideje dobro je imati pripremljen plan u kojem će biti navedene sve vaše želje, dimenzija terase, radi li se o sunčanoj ili sjenovitoj terasi te koje će se biljke uzgajati.

Kako bi se napravio što ljepši vrt na terasi

na kojem će biljke uspijevati potrebno je razmisliti na koju je stranu terasa okrenuta. Ako je u pitanju terasa prema sjeveru to znači da je veći dio dana pod sjenom, zbog čega nije dobro posaditi biljke koje vole svjetlost. Biljke koje odlučite posaditi ne smiju biti raspoređene previše gusto kako ne bi došlo do pojave gljivica. Dobro je imati terasu na istočnoj ili zapadnoj strani budući da na takvom mjestu uspijevaju razne biljke. Ono na što

treba pripaziti su jaki vjetrovi s istoka koji bi mogli uzrokovati najviše štete biljkama u posudama. Na sunčanim terasama možete uzgajati ruže ili geranije.

Odlučite li se na biljke u posudama dobro je znati kako posude moraju biti praktične, što znači da svaka posuda na dnu treba imati rupu koja će omogućiti odvodnju viška vode. Ako postavite posude na ograde ili prozore, bilo bi dobro da su napravljene od plastike.

Dobro je znati kako biljke koje se uzgajaju u posudama zahtijevaju više pažnje od onih koje se posade u tlu. Bilo bi dobro kada bi ih zalijavali ujutro te redovno gnojili. Budući da namještaj može zauzeti velik dio prostora, potrebno je dobro razmisliti oko odabira vrtne garniture koja će krasiti terasu. Ne treba voditi računa samo o veličini namještaja nego i o boji. Tako ako imate terasu na južnoj strani, poželjno je odabrati svjetlu boju jer se tamna boja brže zagrijava.

Važno je prvo imati dobro razrađen plan u kojem će se nalaziti svi potrebnii detalji koji će vam olakšati postupak stvaranja prave male oaze, zahvaljujući kojoj ćete imati dojam kao da se ne nalazite u gradu negdje u prirodi.

mojsan
EUROPEAN quality
MATTRESSES!
Made in Bosnia & Herzegovina

Pozovite nas!
Tel: 032 241 777

Lakše je na rate! **12 rata** **3 rata** **6 rata**!

Prodaja putem **platne liste**
za uposlene
preko **PIO fonda**
ZA PENZIONERE

mojsan SHOP Zenica

Shopping centar
DŽANANOVIĆ Zenica
www.mojsan.ba
shopzenica@mojsan.ba

Radno vrijeme
PON-SUB 10-20h
NED: 11-17h

**Madraci • Nadmadraci
Jastuci • Posteljine
Latofleksi • Kreveti**

Kako se šminkati na +30°

Ljeto je godišnje doba kada prirodna ljepota najviše dolazi do izražaja. Upravo zbog toga, većina žena i na plaži želi izgledati bespriječno. Međutim, težak make up na trideset stupnjeva Celzijevih, nije baš neki prizor, što više prekomjerna šminka na takvim mjestima, potpuno je neprimjerena. Nudimo vam nekoliko savjeta kako se našminkati u ljetnim danima!

PUDERI

Ljeti je korištenje pudera uglavnom nepotrebno. No, ako ne možete bez pudera, prvo saznajte koji je vaš tip kože kako bi mogli odabrati puder koji će se savršeno sljepiti uz vaše lice. Tekući puderi su uglavnom teški jer imaju u sebi mikroraspršivače, vosak koji omogućava da puder dobro prijanja uz kožu. Poznato je da postoje puderi sa zaštitnim faktorom pa ne bi bilo loše da ga i vi imate u svojoj kozmetičkoj torbici. Također postoje puderi sa silikonskom teksturom, što znači da su tako mikroraspršeni da ne upadaju u pore

nego ostaju na površini kože. Zbog toga ih s lica nije potrebno skidati cijeli dan. Ukoliko baš morate prekriti nedostatke na licu, radite koristite tonirane kreme. One su uglavnom hidratantne i ne začepljuju pore.

MASKARA

Prije odlaska na ljetovanje ne zaboravite kupiti vodootpornu maskaru. Sigurni smo da se ne želite dovesti u situaciju da kada izlazite iz vode, vaše lice prekriju crne mrlje od nekvalitetne maskare.

SJENILO ZA OČI

Ni sa sjenilima nemojte pretjerivati. Dovoljno je da kao podlogu, nanesete sjenilo neutralne boje, od trepavica do obrva, a od polovice gornjeg kapka prema uglu oka, nanesite sjenilo u nekoj boji. Obratite pažnju na kvalitetu proizvoda jer pod utjecajem UV zraka neka sjenila mogu izazvati iritacije na koži.

SJAJILO ZA USNE

Tamne ruževe nemojte uopće stavlјati na usne. Radite koristite sjajila, neutralnih boja. Boje manga, breskve, ružičasta



ili narančasta vašim usnama dati će potrebnu senzualnost. Večernji make up razlikuje se od dnevnog, stoga si u večernjim satima dajte oduška i igrajte se bojama. No, pri tome ne zaboravite prije spavanja skinuti šminku s lica. Ujutro kada se probudite nanesite krema, losion ili tonik...

cm
Croatian Magazine

SAVRŠENA *ljetna ponuda!*

Ponuda vrijedi za period
22.6.-5.9.2017.



-40%

ROBERTO CAVALLI
just cavalli man edt
50ml

109,90*

65,45, KM



-25%

CALVIN KLEIN
one edc 50ml

74,90*

56,20, KM



-40%

CALVIN KLEIN
be edc 50ml

74,90*

44,95, KM



-35%

BURBERRY
london woman
edp 50ml

123,95*

80,55, KM



-25%

BVLGARI
jasmin noir
charms edp
25ml

96,95*

72,35, KM



-40%

BRUNO BANANI
absolute woman
edt 40ml

61,90*

36,65, KM



-30%

GUESS dare
woman edt 30ml

46,40*

32,45, KM



-30%

REPLAY jeans
original man edt
50ml

40,90*

28,65, KM



-25%

Salvatore
Ferragamo
Signorina
In Fiore edt 30ml

86,90*

64,50, KM

GASTRO KUTAK

Krofne punjene nutelom

Kora:

- 1 kg **Klas brašna** (Zlatni puder)
- 1 jaje
- 1 kašikica šećera
- 2 kašike germe
- 500 ml mlijeka
- 100 gr margarina
- Nutela

Priprema:

- Zamijesiti sve sastojke sa toplim mlijekom i ostaviti da nadode tijesto.
- Kada je tijesto nadošlo razvaljati na brašnu jufku debljine prsta i čašom označiti krofne i u sredinu stavljati nutelu.
- Onda još jednu jufku iste veličine staviti preko prve.
- I onda sa čašom odvajati krofne i ostaviti ih još da nadolaze. Kad nadodu stavljati u vrelo ulje, prvo se stavlja strana koje je nadošla. Brzo se prže i super su mekane.



Anita Popović,
Zenica

**Šaljite nam vaše
recepte sa Klas
proizvodima.
Najsretnije očekuje
poklon paket Klas
proizvoda.**



Fil:

Tijesto:

- 10 bijelanaca
- 300 gr šećera ulupati pa dodati
- 300 gr mljevenih oraha
- 1 vanilin šećer
- 2 kašike **Klasovog** brašna

- 10 žumanaca
- 180 gr šećera
- 50 gr čokolade
- 1 vanilin šećer
- 250 gr umućenog putera

Fil:

- **Tijesto:** Ulupati bijelanca sa šećerom pa dodati mljevene orahe, vanilin šećer i brašno. Peći u namazanom i brašnom posutom plehu, na 180 stepeni 20-tak minuta - u više kora. Kada su kore pečene prevrnuti ih i polako odljevititi.
- **Fil:** Žumanca i šećer skuhati na pari pa dodati omekšalu čokoladu i vanilin šećer. Mutiti dok se lijepo ne izjednači pa skinuti i ohladiti. Dodati 250 gr umućenog putera. Premazati kore i cijelu tortu. Ravnomjerno posuti sjeckanim orasima.



Diana Šakić,
Zenica



ETNO SELO ČARDACI - Vitez

Pivnica & rakijarnica „kod Crnog Mačka“



Za sve one koji vole biti okruženi s puno ljudi, smijeha, glazbe i piva, pivnica i rakijarnica „kod Crnog Mačka“ je savršeno mjesto! Pivnica se nalazi u Vitezu (PC-96) u sklopu etno sela „Čardaci“ i vodenog parka „Ribica“, a već nekoliko godina slovi kao odlično mjesto koje okuplja i najzahtjevниje pivoljupce. Razlog tome je što pivnica u ponudi ima četrdesetak vrsta domaćih i stranih piva, a ponudu neprestano nadopunjava novim vrstama, tako da se u pivnici svakim posjetom može kušati i novo pivo. Osim piva i uobičajene ponude, pivnica nudi

i dvadesetak vrsta domaćih likera i rakija – od klasičnih do likera s tajnom recepturom. Hrana u pivnici je takva da prati ponudu piva, a na meniju su odlični pivnički specijaliteti poput ražnjiča, kobasica, pizza, prženih krumpirića i raznih snackova koji se izvrsno slažu s okusima piva. Za one koji vole trenutke zabave, opuštanja i smijeha provesti uz glazbu,



pivnica „kod Crnog Mačka“ svakih nekoliko dana organizira svirke uživo, a uz rock repertoar vrhunska pivnička atmosfera garantira popravak raspoloženja. Nedavno preuređena pivnica proširila je svoje prostore, a osim prostranog ambijenta i terase uz rijeku krasiti je maštovit dekor i mnoštvo detalja. Profesionalno i uslužno osoblje ove pivnice pobrinut će se da se svaki gost osjeća udobno i dobrodošao. Pivnica & rakijarnica „kod Crnog Mačka“ je mjesto za sve ljubitelje odlične atmosfere i još boljeg piva!



Voden Park "Ribica"

SEZONA JE POČELA!



Idealna lokacija za spas od ljetnih vrućina

Voden park „Ribica“ sa četiri bazena, zabavnim vodenim atrakcijama (tobogani, valovi, masaže, bazen i tobogan za djecu i bebe, skakaonica), plažama, kafićima, terenom za odbojku na pijesku i badminton, organiziranim dnevnim i noćnim provodima te gostovanjima domaćih i stranih glazbenika nudi cijelodnevnu zabavu i odmor za sve generacije! Voden park „Ribica“ nezaobilazna je destinacija za sve koji traže ljetno osvještenje, zabavu, odmor i dobre provode. Važno je napomenuti da su svi radovi na bazenu kao i bazenska tehnika u skladu sa europskim standardima.

Bazeni:
Rekreacijski bazen (-1.38m)
Bazen za plivanje (-2.20m)
Bazen za skokove (-4m)
Bazen za djecu (-0.4m)

Sportski sadržaji:
Tereni za odbojku na pijesku
Tereni za mali nogomet na pijesku
Teren za badminton na pijesku



Open bar
Fast food
Cocktail bar

Plaže:
Pješčana
Travnata
Betonска

Vodene atrakcije:
Tobogani za odrasle i tobogani za djecu, skakaonice, valovi, vodene masaže, slapovi, divlja rijeka

Poslovni centar 96, Zona II, Vitez 72250
030 710 051

facebook.com/VodeniparkRibicaVitez



BANT
www.bant.ba

• KUPAONICE • SANITARIJE •
• PLOČICE • GALANTERIJA •
• LED RASVJETA • NAMJEŠTAJ •

PRODAJNI SALON VITEZ / Vitez, PC 96 / Tel: 030-714-770 / Fax: 030-717-505 / Radno vrijeme: pon - pet od 8:30 do 18:00, subota od 8:30 do 16:00
IZLOŽBENI SALON SARAJEVO / Sarajevo, Paromlinska 53A L-3 / Tel: 033-716-745 / Fax: 033-716-746 / Radno vrijeme: pon - pet od 9:30 do 18:00, subota od 9:00 do 14:00

-20% sniženo

ARGENTA
 ✓ 1. klasa
 ✓ zemlja porijekla Španjolska

Nassau	Blanco 25x50	21,00 KM/m ²
	16,80 KM/m²	

Nassau Mosaico	Warm 25x50	24,00 KM/m ²
	19,20 KM/m²	

Nassau Café	25x50	21,00 KM/m ²
	16,80 KM/m²	

ECKLE tuš kabine, Europski brand

120x80	505,00 KM/m ²
	454,50 KM/m²

120x90	515,00 KM/m ²
	463,50 KM/m²

140x80	530,00 KM/m ²
	477,00 KM/m²

140x90	540,00 KM/m ²
	486,00 KM/m²

-10% sniženo

Stolica PW-025NP
 Boje: crna i bijela
79,00 KM

Trosjed LAB-173N20S-P3
 Boje: Smeda i tamno siva thanina
468,00 KM

Visilice - Led lusteri



BAULUX visilica

YD-DT1718B
75,00 KM



BAULUX visilica

YD-DT1718A
75,00 KM



BAULUX visilica

YD-DT1718D
85,00 KM

Baulux Nadgradni LED paneli



GL-004-MY18

18W

Boja: topla bijela (3000K) 225x225x35mm

15,50 KM



GL-004-MF18

18W

Boja: topla bijela (3000K) fi225x35mm

14,00 KM